

四庫全書

集部

欽定四庫全書

文選卷二十五

梁蕭統編

唐李善註

贈答下

贈何劭王濟一首

五言并序

傅長虞

王隱晉書曰傅咸字長虞北地泥陽人舉孝廉拜太子洗馬後為司隸校尉薨

朗陵公何敬祖咸之從內兄

臧榮緒晉書曰何劭襲封朗陵郡公國子祭

酒王武子咸從姑之外孫也

王隱晉書曰王濟為國子祭酒並以明德

見重於世咸親之重之

尚書曰先王既勤用明德漢書曰霍光以張安世篤行光親重

之情猶同生義則師友

左氏傳曰鄭罕駟豐同生孫卿子曰人必將求賢師而事之擇

良友而友之何公既登侍中武子俄而亦作

臧榮緒晉書曰何劭為散騎常

侍連侍中傳暢晉諸公贊曰王濟左連國子祭酒數年入為侍中

二賢相得甚歡咸亦

慶之

漢書灌夫竇嬰兩人相得歡甚無厭

然自恨闇劣雖願其繼繼而從

之末由

左氏傳臧昭伯曰繼繼從公無通內外毛詩傳曰溯洄從之

歷試無效且有

家艱

尚書曰歷試諸難毛詩曰賦詩申懷以貽之云爾未堪家多難余又集于哀

蒼頡篇曰懷抱也薛君韓詩章句曰云詞也

日月光太清列宿曜紫微

鵠冠子曰

上及太清下及太寧春秋合誠圖
曰北辰其星七在紫微之中也
赫赫大晉朝明明闢

皇闡

左氏傳子曩曰赫赫楚國而君臨之毛詩曰明明在下赫赫在上張衡陳公誄曰穆穆皇闡公實省之

吾兄既鳳翔王子亦龍飛

吳賢答文帝牋曰曹烈曹丹加以公室枝庶骨肉舊恩其

龍飛鳳翔實其分也

雙鸞遊蘭渚二離揚清暉

鸞離喻王何也蘭渚喻中書也王逸

楚詞序曰蚪龍鸞鳳以託君子漢書曰長麗前挾光耀明臣瓚曰長離靈鳥也二離日月也

攜手升玉

階並坐侍丹帷

毛詩曰攜手同行西都賓曰玉階彤庭毛詩曰既見君子並坐鼓瑟曹植娛賓

賦曰丹帷愷以四張

金璫綴惠文煌煌發令姿

董巴輿服志曰侍中冠弁大冠如金

璫附蟬為文漢書曰昌邑王賀冠惠文冠音義曰今侍中所著也服虔通俗文耳珠曰璫

斯榮非攸

庶幾縷情所希

賈逵國語注曰庶幾也廣雅曰希庶也

豈不企高蹤麟趾

邈難追

司馬彪莊子注曰企望也蔡邕表陽碑曰邈矣高蹤孰能尅茲毛詩曰麟之趾振振公子臨

川靡芳餌何為空守

抵芳餌以喻令德也歸田賦曰徒臨川以美魚吳越春秋大夫種

曰深川之魚死於芳餌餌魚食也莊子曰任公為大鈎擔牛以為餌淮南子曰黃帝化天下也漁者不爭坻

槁葉待風飄逝將與君違

槁葉自喻也毛詩曰蔹兮蔹兮風其吹女鄭玄曰木葉槁

得風乃落毛詩曰逝將去汝毛萇詩傳曰違離也

違君能無戀尸素當言歸

韓詩

曰何為素餐素者質人但有質朴無治民之材名曰素餐尸祿者頗有所知善惡不言默然不語苟欲得祿而

已譬若尸矣毛詩曰言旋言歸

歸身蓬萊廬樂道以忘饑

劉向雅琴賦曰潛坐蓬廬

之中禮記孔子曰儒有華門圭竇毛詩曰泌進則無云

之洋洋可以樂飢毛萇曰言可以樂道忘飢

補退則恤其私漢書諸葛豐曰臣誠願之獨恐未有云

但願隆弘美王度曰清夷

東觀漢記陳元上書曰扶掖

華曰祈招之詩曰思我王度式如玉

式如金仲長子昌言曰警蹕清夷

荅傅咸一首

五言

郭泰機

傅咸集曰河南郭泰機寒素後門之士

不知余無能為益以詩見激切可施用

之才而況沉淪不能自拔於世余雖心知之

而末如之何此屈非復文辭所了故直戲以

皦皦白素絲織為寒女衣

素絲喻德寒女喻賤也傳咸贈詩曰素絲豈不潔寒女難

為客崔駰七言曰皦皦練絲退濁汗曹植閑居賦曰願同衾於寒女

寒女雖妙巧不得秉

杼機

言不見用也傳咸贈詩曰貧寒猶手拙操杼安能工古詩曰札札弄機杼

天寒知運速

況復鴈南飛

言歲之方晏以喻年之將老也莊子曰天寒既至霜雪既降楚詞曰鴈雍雍而南遊

衣工秉刀尺棄我忽若遺

衣工喻博成也張衡獨懷賦曰飛鋒曜景秉尺持刀毛詩

曰將安將樂棄我如遺

人不取諸身世士焉所希

言凡人皆不能恕己及物取之

於身故世間之士安可冀而相薦乎周易曰近取諸身

況復已朝餐曷由知我飢

言已朝餐而忘我飢猶居貴而遺我賤

為顧彥先贈婦二首

五言 集亦云為彥先然此二篇並是婦答而云贈婦誤也

陸士龍

悠悠君行邁 煢煢妾獨止

毛詩曰悠悠南行又曰行邁靡靡又曰獨行煢煢

山

河安可踰 永路隔萬里 京室多妖冶 粲粲都人子

上林賦曰

妖冶閑都毛詩曰西人之子粲粲衣服又曰彼都人士鄭玄儀禮注曰女子子者女子也別於男也

雅步

擢纖腰 巧笑發皓齒

雅閑雅謂妖麗也許慎淮南子曰擢引也毛詩曰巧笑倩兮楚辭曰

美人皓髮 嬌以嬌

佳麗良可美 衰賤焉足紀

戰國策司馬喜曰趙佳麗之所出高

誘曰佳大也麗美也賈遠國語注曰紀猶錄也

遠蒙眷顧 言銜恩非望始

毛詩曰眷

言顧之鄭玄曰顧念也左氏傳鄭伯曰非所敢望
魏文帝哀已賦曰蒙君子之博愛垂過望之渥恩

浮海難為水遊林難為觀林海以喻上京也言遊上京難為容色也孟子曰觀海者

難為容色貴及時朝華忌日晏說文曰木槿朝華暮落皎皎彼姝

子灼灼懷春榮古詩曰盈盈樓上女皎皎當牕牖毛詩曰彼姝者子又曰有女懷春毛萸曰懷

思也毛詩曰今夕何夕見此榮者國語曰女三為聚賈逵曰榮亦美貌西城善雅儷總章

饒清彈陸機洛陽記曰金墉城在宮之西北角魏故宮人皆在中崔豹古今注曰魏文帝宮人尚衣能

歌舞一時冠絕殊盛晉陽秋傳鳴簧發丹脣朱絃繞素

腕毛詩曰吹笙鼓簧神女賦曰朱脣的其若丹禮記曰清廟之瑟朱絃而疏越落神賦曰懷皓腕輕裾猶

電揮雙袂如霧散

張衡舞賦曰裾若飛燕袂如迴雪徘徊相侔暫若電伐韓康伯周易注曰

揮散也封禪書

華容溢藻幄哀響入雲漢

洛神賦曰華容阿那杜預

曰雲布霧散

左氏傳注曰帷帳也列子曰薛譔學謳於秦青辭歸青饒於郊衢撫節悲歌聲震林木響遏行雲張湛曰二人

薛秦之知音世所希非君誰能讚
古詩曰不惜歌者苦但傷知音稀孔安國

論語注曰稀少也希與稀通
釋名曰稱人之美曰讚也
棄置北辰星問此玄龍煥

北辰言不移也玄龍喻美女也言棄彼北辰之心而問此玄龍之色識好色而不好德陸雲代彥先贈婦詩曰

何用結中款仰指北辰星石氏星讚曰軒轅龍體主后姬然此唯取衆姬即指西城總章宮人不諭於后也龍

色多玄故
時暮復何言華落理必賤
毛詩序曰華落色衰復相棄背

答兄機一首

五言

陸士龍

士衡前為太子洗馬時贈別士龍今答之

悠遠途可極別促怨會長

機贈詩曰行矣怨路長起馬

傷別促鄭玄禮記注曰極盡

也曹子建送應氏詩曰別促會日長

街恩戀行邁興言在臨觴

機詩曰指塗悲有餘

臨觴歡不足毛詩曰念彼恭人興言出宿

南津有絕濟北渚無河梁

言已心有絕濟

而可旋機行無河梁而可涉也韋昭漢書注曰直渡為絕爾雅曰濟渡也機詩曰我若西流水子為東跨岳酸

者不能不苦於言漢董仲舒對策曰天地之常經古今之通義

神往同逝感形留悲參商

言已形雖留而神竇往故曰神往同逝言之感形留參商之隔左氏傳子產曰高辛氏有二子伯曰閼伯季曰

實沉不相能后帝不臧遷閼伯於商丘主辰商人是因
故辰為商星遷實沉于大夏主參唐人是因其李世曰
唐叔虞故參為晉星法言曰吾不觀參辰之相比也
向曰魂神隨兄往而形留此如參辰之不相見也商辰
星衡軌若殊迹牽牛非服箱機詩曰妾得攜手契濶成
駢服故答曰衡軌若殊其
迹則類牽牛不必服箱也毛詩曰晞彼牽牛不以服箱
牛濟曰衡軌也軌車後木也牽牛星也箱亦車也兄弟
相依當如衡軌而今殊迹牽牛有名不堪服車亦猶有兄弟之名而不得同聚

答張士然

五言

陸士龍

行邁越長川飄飄冒風塵
道波激枉渚悲風薄丘榛

新序

孔子張曰臣犯霜露冒塵埃曹植出行蒙霧犯風塵鄭
玄考工記注曰冒蒙也西都賓曰與海通波楚辭曰朝

發枉渚又曰哀江介之悲風高誘淮南子注曰叢
木曰榛翰曰激急枉渚曲渚也丘墓榛棘也脩路

無窮迹井邑自相循周禮曰九夫為井四井為邑廣雅
曰循從也銑曰脩長窮極循順

也百城各異俗千室非良隣謝承後漢書曰黃琬拜豫
州刺史威邁百城禮記曰

廣谷大川異制民生其間異俗論語子曰千室之邑百
乘之家晏子春秋曰願有良朋則見君子也向曰百

城郡也言風俗各異無歡舊難假合風土豈虛親感念
親善之隣謂吳漢之異

桑梓域髣髴眼中人毛詩曰惟桑與梓必恭敬止楚辭
曰時髣髴以遙見魏文帝詩曰迴

頭四向望眼中無故人濟曰歡舊既殊風土又異不
可假合虛親也感此憶桑梓而思見親識也眼中人謂

親識也

靡靡日夜遠春春懷苦辛

毛詩曰行邁靡靡毛萇曰靡靡行貌也韓詩曰

春春懷顧古詩曰輶軒長辛苦

答盧諶

四言并序

劉越石

琨頓首損書及詩備辛酸之苦言暢經通之遠旨執玩

反覆不能釋手

玩猶愛弄也

慨然以悲歡然以喜昔在少壯

未嘗檢括

蒼頡篇曰檢法度也薛君韓詩章句曰括約束也

遠慕老莊之齊物

近嘉阮生之放曠

老莊老聃莊周也阮生嗣宗也莊子有齊物論臧榮緒晉書曰阮籍放誕

不拘禮教蒼頡篇曰曠疎曠也

怪厚薄何從而生哀樂何由而至

列子曰身

非愛之所能厚身亦非輕之所能薄愛之或不厚輕之或不薄此似反也自厚自薄或愛之而厚或輕之而薄

此似非順也亦自厚自薄信命者亡壽夭信理者亡是非信心者亡逆順信性者亡安危則謂都亡所信亡不

信真矣慙矣奚去奚就美矣奚樂之謂也

自頃輶張困於逆亂

輶張驚懼之貌也楊雄國

三老歲曰負乘覆餗姦寇侏張輶與侏古字通張由切

國破家亡親友彫殘

崔鴻前趙

錄曰劉聰僭即位于平陽又曰聰遣從弟曜攻晉破洛陽又曰遣子纂攻長安陷之家亡見下文

負杖

行吟則百憂俱至

禮記曰公叔禺人遇負杖者楚辭曰屈原行吟澤畔毛詩曰遂此百憂

塊然獨坐則哀憤兩集

淮南子曰卓然獨立塊然獨處

時復相與舉觴

對膝破涕為笑排終身之積慘求數刻之暫歡

劉漏也說文曰

以銅盆受水分晝夜百刻也譬由疾疾彌年而欲一丸銷之其可得

乎

毛萇詩傳曰彌終也

夫才生於世世實須才

蘇武荅李陵書曰每念足下才為世

生器為世出

和氏之璧焉得獨曜於郢握夜光之珠何得專

玩於隋掌

淮南子曰隋侯之珠和氏之璧得之而富失之而貧

天下之寶當於天

下共之

孫卿子曰和氏之璧為天下之寶史記秦王曰和氏璧天下所共傳寶也

但分析之

日不能不悵恨耳然後知聃周之為虛誕嗣宗之為妄

作也

孔安國尚書傳曰誕欺也

昔駉驥倚輶於吳坂長鳴於良樂知

與不知也

戰國策楚客謂春申君曰昔騶驥駕鹽車上吳坂遷延負轅而不能進遭伯樂仰而鳴之

知伯樂知已也

今僕屈厄日久君獨無意使僕為君長

鳴乎思玄賦曰馬倚轡而徘徊鄭玄考工記注曰轡轅

也古今地名曰冥零坂在吳城之北今謂之吳坂良王

良也王良無遇驥之事因伯樂而言之孔融薦禰衡表

曰飛兔騷曩良

樂之所急也百里奚愚於虞而智於秦遇與不遇也

漢書韓信謂廣武君曰僕聞百里奚居虞而虞亡之秦

而秦伯非愚於虞而知於秦用與不用聽與不聽耳漢

書楊雄曰以為今君遇之矣勗之而已

遇不遇命也

傳曰勗勉也

復屬意於文二十餘年矣

鄭玄周禮注曰屬綴也

久廢則無次想

必欲其一反故稱指送一篇

稱音稱其意音適足以彰也稱赤證切

來詩之益美耳

毛萇詩傳曰通祇通也

琨頓首頓首

久罹厄運故迷喪亂多感

恨之言也

厄運初遘陽文在六

言晉之遇災也毛萇詩傳曰遘成也陽文在六謂乾上九也周易曰

上九亢龍有悔盈不可久也

乾象棟傾坤儀舟覆

乾坤為天地左氏傳子產謂子皮曰

子於鄭國棟也棟折椽崩僑將厭馬戰國策或謂公叔曰塞漏舟而輕陽侯之波則舟覆矣

橫厲糾

紛羣妖競逐

言劉聰之稱逆也橫厲從橫猛厲也糾紛亂貌也楚辭曰擢舟航以橫厲范曄後漢

書岑彭曰四方蜂起羣雄競逐

火燎神州洪流華域

火燎洪流以喻亂也尚書曰若火之

燎于原河圖括地象曰崑崙東地方千里名曰神州孟子曰洪水橫流汎濫天下

彼黍離離彼

稷育育

毛詩曰彼黍離離彼稷之苗毛萸詩傳曰育長也

哀我皇晉痛心在目

其一左氏傳呂相曰是用痛心疾首也

天地無心萬物同塗

無心謂無心愛育萬物即

不仁也同塗謂皆為芻狗也已見下句

禍淫莫驗福善則虛

尚書曰天道福善禍淫

逆有全邑義無完都

逆謂劉聰義謂晉室

英藥夏落毒卉冬敷

英藥

以喻晉朝毒卉以比胡寇也王逸離騷序曰如彼龜玉

韞櫝毀諸

論語孔子曰虎兕出於柙龜玉毀於櫝中是誰之過與又曰有美玉於斯韞櫝而藏諸馬

融曰韞

芻狗之談其可得乎

其二老子曰天地不仁以萬物為芻狗聖人不仁以

百姓為芻狗結芻為狗也言天地不受萬物類祭祀咨之棄芻狗也然此與談老者不同彼美而此怨耳

余軟弱弗克負荷

漢書曰王尊之子伯為京兆尹軟弱不勝任左氏傳鄭子產曰古人有言

其父析薪其子弗克負荷軟奴亂切

愆豐仍彰榮寵屢加

孔安國尚書傳曰譽過也杜預

左氏傳注曰

威之不建禍延凶播

威之不建謂聰所敗而父母遇害也凶播

現自謂也言遼凶禍而遷播協韻補何切聲類曰播散也

忠隕于國孝愆于家

范曄後漢

書世祖誡馮勤曰能盡忠于國又明帝詔曰陰興在家仁孝杜預左氏傳曰愆失也斯罪之積如

彼山河

言高深也毛詩曰如山如河

斯豐之深終莫能磨

其三毛詩曰白圭之

玷尚可磨也

郁穆舊姻嬖婉

新婚

臧榮緒晉書曰琨妻即琰之從母也新婚未詳毛詩

曰不思舊姻又曰嬖婉之求又曰親爾新婚

裹糧攜弱匍匐星奔

左氏傳晉趙穿曰裹

糧坐甲固敵是求毛詩曰凡民有喪匍匐救之星奔言疾也

未輟爾駕已隳我門二

族階覆三孽並根

王隱晉書曰劉聰圍晉陽令狐泥以十餘人為鄉導琨求救荷盧未至太

原太守高嶠反應聰遂琨琨父母年老不堪牽馬步擔不免為泥所害何法盛晉錄曰劉粲恐害譙父母三孽

謂琨之兄子也張晏漢書曰孺子為孽一曰謂劉聰劉曜劉粲也班固漢書曰三孽之起本根既朽音義曰孽

未斬而復特生喻魏齊韓滅而復更生也何休公羊傳注曰孽猶樹之孽生者也

長慙舊派永

負冤魂

其四結上二句也舊派謂三孽也冤魂謂二族也王隱晉書曰琨遣兄子演領兗州石勒圍於

三臺突圍得免後演治粟丘遂不守兄少子及演妻息盡為所虜也

亭亭孤幹獨生無伴

孤幹孤生之竹以喻譙宋玉笛賦曰倚篠異幹王逸楚辭注曰伴侶也

綠葉繁縟柔條脩

竿

說文曰縛繁采飾也宋玉笛賦曰竿節簡枝

朝採爾實夕將爾竿

字林曰竿木挺

也協韻公旦切

竿翠豐尋逸珠盈椀

豐尋言節長盈尋也說文曰豐滿也應劭漢書注曰

八尺曰尋珠即以喻德也逸謂過於衆類盈椀言多也

實消我憂憂急用緩逝將

去乎庭虛憤滿

其五去謂之匹碑之所也逝將已見上文白虎通曰哀痛憤滿

虛滿伊

何蘭桂移植茂彼春林瘁此秋棘

春林以喻匹碑秋棘現自喻也

有鳥

翻飛不遑休息

鳥謂鳳以喻謔也毛詩曰華允彼桃蟲翻飛惟鳥

匪桐不棲匪

竹不食

鄭玄毛詩箋曰鳳凰之性非梧桐不棲非竹實不食括地圖曰鳳凰食竹實

永戢東

羽翰撫西翼

戢斂也翰高飛也

我之敬之廢歡輟職

其六毛詩曰我之懷

矣又曰敬音以賞奏味以殊珍呂氏春秋曰鍾期死而伯牙乃破琴絕絃以為

世無復賞音者也淮南子曰珍其味人之所美也文以明言言以暢神左氏傳仲尼曰

志有之言以足志文以足言家語孔子曰言說者情之導也王肅曰所以導達其情也之子之往

四美不臻毛詩曰之子于征四美音味文言也澄醪覆觴絲竹生塵謂音味也

淮南子曰酒澄而不飲禮記曰絲竹樂之器也素卷莫啓幄無談賓謂文言也既孤

我德又闕我鄰其光光段生出幽遷喬臧榮緒晉書曰鮮卑段匹磾自

號大將軍楊雄侍中箴曰光光常伯毛詩曰出自幽谷遷于喬木范曄後漢書順帝詔曰楊倫出幽升喬寵以

傳舊資忠履信武烈文昭閑居賦曰資忠履信以進德漢武帝贈故朱崖太守董廣詔曰

伐叛柔服文昭武烈曹植令於弓騂騂與馬翹翹孟子曰相者文德昭將者武功烈

招大夫以終左氏傳陳敬仲曰詩曰翹翹車乘招我以弓杜預云逸詩也翹翹遠也毛詩曰騂騂角弓毛萇曰

騂騂調乃奮長縻是轡是鑣廣雅曰縻索也說文何以利也

贈子竭心公朝毛詩曰何以贈之鸛鵲賦曰荀竭心於所事曹子建求親親表曰執政不廢於

公朝何以敘懷引領長謠其八左氏傳云穆叔謂晉侯曰引領西望曰庶幾乎

重贈盧諶一首五言 非常想 臧榮緒晉書曰琨詩託意

常詞
酬琨

劉越石

握中有懸壁本自荆山

琴操下和歌曰攸攸沂水經

荆山今穴山采玉玉難為功惟彼太公望昔在渭濱叟

今孔安國尚書傳曰璆玉也

史記曰太公望以漁釣奸周西伯將出獵果遇太公于

渭之陽六韜曰文王卜田史扁為卜田于渭之陽將大

得非龍非影非熊非羆非羆非得公侯天遣汝師文王齋戒

三日田于渭陽卒見呂尚坐茅以漁荅賓戲曰周望兆

動於渭濱鄧生何感激千里來相求

東觀漢書記曰鄧禹字仲華南陽人也更始既

至雒陽以世祖為大司馬使安集河北禹聞之自南陽

發北徑渡河追至鄴謁上見之甚驩謂曰我得拜除長

吏生遠來寧欲仕耶禹曰不願也趙岐孟子章

指曰千載聞之猶有感激周易曰同氣相求白登幸

曲逆鴻門賴留侯

漢書曰陳平從高帝擊韓信至平城為匈奴所圍七日不食用平奇計使

單于闐氏解圍以得開高帝既出南過曲逆詔御史封
平為曲逆侯又曰冒頓圍高帝於白登七日如淳曰平
城傍高之地若丘陵者也留
侯已見謝惠連張子房詩
重耳任五賢小白相射鉤

左氏傳曰晉公子重耳之及於難也遂奔狄從者狐偃
趙衰顓頊魏武子司空季子杜預曰狐偃子犯也魏武
子魏犢也司空季子胥臣曰季也此五人賢而有大功
也左氏傳寺人披謂晉侯曰齊桓公置射鉤而使管仲
相杜預曰乾時之役
管仲射桓公中鉤
苟能隆二伯安問黨與讐

二伯晉文齊桓

公也黨謂五賢

中夜撫枕歎想與數子游

數子謂太公已下也言數

子皆能陳謀以靜亂

吾衰久矣夫何其不夢周

論語曰甚矣吾

衰也久矣吾不

誰云聖達節知命故不憂

毛萇詩傳曰云言也左氏

傳曹子臧曰前志有之曰聖達節周易曰樂天知命故不憂

宣尼悲獲麟西狩涕孔

丘

公羊傳曰哀公十四年春西狩獲麟何以書記異也孔子曰孰謂來哉孰謂來哉反袂拭面涕泣沾袍

功業未及建夕陽忽西流

家語曰孔子云陪事而能建業注曰建功業夕陽西流喻

將老之人也

時哉不我與去乎若雲浮

嵇康幽憤詩曰時不我與雲浮言疾也

朱實隕勁風繁英落素秋

劉楨與臨淄侯書曰肅以素秋

狹路西華蓋

駭駟摧雙輶

劉歆遂初賦曰奉華蓋於帝側說文曰輶輶也

何意百鍊剛化為

繞指柔

應劭漢書注曰說者以金取堅剛百鍊不耗

贈劉琨一首并書

四言

盧子諒

故吏從事中郎盧諶死罪死罪

傳子曰漢武元光初郡國舉孝廉元封五年舉

秀才歷世相承皆向郡國稱故吏漢書音義張晏曰人臣上書當昧犯死罪而言諶稟性短弱

當世罕任

孔安國尚書傳曰稟受也鄭玄周禮注曰任用也

因其自然用安靜

退

鬼谷子曰物有自然樂氏曰自然濶本名也曾子曰君子進則能達退則能靜

在木闕不材

之資處鴈乏善鳴之分

莊子曰於山中見大木枝葉茂盛伐木者止其傍而不取也問

其故曰無所可用莊子曰此木以不材得終其天年夫子出於山舍故人之家故人喜令堅子殺鴈烹之堅子請曰其一能鳴其一不能鳴請奚殺主人曰殺不能鳴者明日弟子問於莊子曰昨山中之木以不材得終其

天年主人之鴈以不能鳴死先生將何處莊子笑曰周將處夫材與不材之間矣材與不材之間似之而非也

故未免乎累晉灼漢書注曰資材量也分謂已所當得也

卷異蘧子愚殊甯生

論語子曰

蘧伯玉邦無道可卷而懷之

匠者時時不免饌賓

言在木闕

又曰甯武子邦無道則愚不材故匠者時時在鴈之善鳴故不免饌賓也莊子

惠子謂弟子曰吾有大樹人謂之樗匠者不顧廣雅曰饌進食也饌與

嘗自思惟因緣運會得蒙接事

宋衷保乾國注

曰五運五行用事之運

自奉清塵于今五稔

楚辭曰聞赤松之清塵然行必塵起不敢

指斥尊者故假塵以言之言清尊之也左氏傳叔向曰所謂不及五稔者杜預曰稔年也

謨明之效

不著候人之譏以彰

尚書曰允迪厥德謨明弼諧毛詩序曰候人刺近小人也詩曰彼候

人兮荷

大雅含弘量苞山數

班固漢書贊曰大雅卓爾不羣河間獻王近之矣周

戈與

易曰含弘光大品物咸亨左氏傳伯宗謂晉侯曰川澤納汙山數藏疾殺

以待接彌優款

眷逾昵與

去

運籌之謀厠燕私之歡

廣雅曰款誠也爾雅曰昵近也漢書

高祖曰運籌策於帷幄之中吾不如子房毛詩曰諸父兄弟備言燕私

綢繆之旨有同骨

肉

毛詩曰綢繆束薪綢繆經綿也骨肉謂父子呂氏春秋曰父母之於子也子之於父母也此之謂骨肉之

親其為知己古人罔喻

晏子春秋越石父曰士者申乎知己

昔聶政殉嚴

遂之顧荆軻慕燕丹之義

聶政已見別賦荆軻已見西征賦

意氣之間

靡軀不悔

謝承後漢書楊喬曰侯生為意氣刎頸楚辭曰子胥諫而靡軀比干忠而剖心說文曰靡

爛也靡與

雖微達節謂之可庶

達節已見上文

然苟曰有情孰

能不懷

毛萇詩傳曰懷思也

故委身之日夷險已之

委身有委質也左氏傳孤

突曰策名委質貳乃辟也夷險喻治亂也淮南子曰接徑歷遠直道夷險杜預左氏傳注曰已猶決竟也事

與願違當忝外役

役謂別駕也對琨故謂之外嵇康幽憤詩曰事與願違遇茲淹留廣雅曰

違背也論衡曰王充以章和二年罷州役

遂去左右收迹府朝蓋本同末異

楊朱興哀始素終玄墨翟垂涕

淮南子曰楊子見蓬路而哭之為其可以南可

以北墨子見練絲而泣之為可以黃可以黑高誘曰閔其別與化也

分垂之際咸可歎慨

致感之途或迫乎茲

鄭玄周禮注曰致猶會也廣雅曰迫急也

亦奚必臨路

而後長號觀絲而後歔歔哉

楚辭曰泣歔歔而沾衿王逸曰歔歔啼貌也

是

以仰惟先情俯覽今遇

先謂謹父也今謂琨也

感存念亡觸物眷

戀

尸子曰其生也存其死也亡

易曰書不盡言言不盡意

周易繫辭然則

書非盡言之器言非盡意之具矣况言有不得至於盡

意書有不得至於盡言邪不勝猥邁謹貢詩一篇

廣雅曰猥

衆也王逸楚辭注曰憑憤也

抑不足以揄揚弘美亦以攄其所抱而

已

班固兩都賦序曰雍容揄揚著於後嗣弘美已見工文抱或為挹

若公肆大惠遂其

厚恩

左氏傳王使富辛如晉曰伯父若肆大惠杜預曰肆展也廣雅曰遂竟也漢書劉向曰蒙漢厚恩

錫以咳唾之音慰其違離之意

莊子孔子謂漁父曰丘竊侍於下風幸聞咳唾

之音則所謂咸池酬於北里夜光報於魚目

樂動聲儀曰黃帝樂

曰咸池史記曰紂使師涓作新淫聲北里之舞靡靡之樂雜書曰秦失金鏡魚目入珠鄭玄曰魚目亂真珠

謚之願也非所敢望也

左氏傳鄭伯曰孤之願也非所敢望也

謚死罪死

罪濬哲維皇紹熙有晉

皇謂懷帝也毛詩曰濬哲維商爾雅曰紹繼也又曰熙興也

振厥弛維光闡遠韻

韋昭漢書注曰弛廢也蒼頡篇曰闡開也韻謂德音之和也

有

來斯雍至止伊順

毛詩曰有來雍雍至止肅肅

三台摘朗四岳增峻

其一漢書曰北斗魁下六星兩兩而比曰三能也色齊為和不齊為乖說文曰摘舒也尚書帝曰咨四岳春秋

漢舍尊曰三公象五岳在伊陟佐商山甫翼周尚書曰

天法三能台與能同也

時則有若伊陟格于上帝毛詩

在太戊

曰肅肅王命仲山父將之也

弘濟艱難對揚王休尚書

王曰用敬保元子釗弘濟于艱

苟非異德曠世同流言

難毛詩曰虎拜稽首對揚王休

之德苟不異於昔賢雖復與之曠世若同一流也

班固議曰漢興以來曠世歷年廣雅曰曠遠也

忠貞宣其徽猷

其二左氏傳荀息曰公家之利知無不為忠也送往事居耦俱無猜貞也毛詩

曰君子有徽猷

伊謏陋宗昔邁嘉惠爾雅曰邁遇也越絕書申

以婚姻著以累世

左氏傳呂相曰相好戮力同心申之以婚姻范曄後漢書孔融謂李膺曰

與君累

義等休戚

好同興廢孰云匪諧如樂之契

其左氏

傳晉侯謂魏絳曰八年之中九合諸侯如樂之
和無所不諧爾雅曰諧和也說文曰契大約也
王室喪

師私門播遷

喪師謂劉聰所敗也左氏傳會於洮謀王
室國語曰宣王既喪南國之師法言曰屈

國喪師戰國策曰破公家而成私門列子曰岱與圓嶠
二山沉於大海仙聖播遷者巨億計也聲類曰播散也

望公歸之視險忽艱

左氏傳晉趙孟曰望楚而歸之視
遠如邇吳季重與曹丕書曰雖云

幽深視
險若夷

茲願不遂中路阻顛

阻顛謂謹父為
劉粲所害也

仰悲先意

俯思身愆

其四

大鈞載運良辰遂往

鵬鳥賦曰大鈞播物
孔安國尚書傳曰載

行也莊子曰天道運行楚辭曰吉日
兮良辰鄭玄儀禮注曰遂猶因也

瞻彼日月迅過俯

仰毛詩曰瞻彼日月悠悠我思莊子老聃謂崔瞿
曰其疾也倏仰之間杜預左氏傳注曰倏俯也感今

惟昔口存心想借曰如昨忽為疇曩其五毛詩曰借曰未知蒼頡篇曰昨

隔日也爾雅疇曩伊何逝者彌疎呂氏春秋曰死者彌久生者彌疎溫

溫恭人慎終如初恭人謂現也毛詩曰溫溫恭人惟德之基老子曰慎終如始則無敗事

覽彼遺音恤此窮孤譬彼樛木蔓葛以敷其六遺音謂其父之言也

窮孤堪自謂也爾雅曰恤憂也禮記曰恤孤獨以逮不足范曄後漢書曰何敞謂宋由曰節省浮費賑恤窮孤

樛木喻現也詩曰南有樛木葛藟荒之妙哉蔓葛得託樛木妙猶微也葉不雲

布華不星燭封禪書曰承倅卞和質非荆璞薛君韓詩

受也謂受恩鄭玄周禮注曰倅等也韓子曰楚春同尤

卞和氏得璞玉於楚山之中奉而獻之武王也

良用之驥驤

其七左氏傳曰晉趙鞅納衛太子于戚將戰郵無恤御簡子杜預曰郵無恤王良也

尤與郵同古字通

承亦既篤眷亦既親飾獎駕猥方駕駿珍

方言

曰凡相被飾亦曰獎禮記曰凶年乘駕馬廣雅曰駕駘也許慎淮南子注曰猥總凡也西京賦曰方駕投輶郵

玄儀禮注曰方併也駕以方駿猥以方珍也賈逵國語注曰珍寶也

弼諧靡成良謨莫陳

尚書曰謨明弼諧

無覲孤趙有與五臣

其八五臣之從晉文猶諶之事劉氏無敢望同

孤趙之立大功有志與彼五臣俱履危厄賈逵國語注曰覲望也羈致切五臣已見上文

五臣奚與

契濶百罹

言五臣何故敢與五臣契濶達於百罹毛詩曰死生契濶又曰我生之後逢此百離毛萇

曰離憂也離一作罹

身經險阻足蹈幽遐

言已五臣同也左氏傳楚子曰晉侯險阻艱難

備嘗之矣義由恩深分隨昵加分猶綢繆委心自同匪他其

綢繆已見上文漢書韓信謂廣武君曰委心昔在暇日

妙尋道理孟子曰壯者以暇日脩其孝悌忠信也尤彼意氣便是節士言昔

日以意氣而殞命皆非正道故尤而使之薛君韓詩章句曰尤非也意氣已見上文謝承後漢書曰節士鮑昂

有鴻漸浮雲之志鄭子曰世高節士情以體生感以情起言今乃知意氣

以體信而乃生感趣舍罔要窮達斯已其十言既感厚恩而吉

要求窮達任其所止也六韜太公謂武王曰人皆有性趣舍不同喜怒不等趣猶向舍猶置也列子孔子曰脩

一身任窮達所謂樂天知命之無憂者也呂氏春秋曰古之得道者窮亦樂達志也道得於此則窮達一也

由余片言秦人是憚

史記秦繆公問內史廖曰孤聞鄰國有聖人獻國之憂也今由余寡

人之害將奈何也

日碑效忠飛聲有漢

金日碑已見西征賦思玄賦曰盡遠迹以飛聲

桓桓撫軍古賢作冠來牧幽都濟厥塗炭

其十一劉琨勸進表曰撫

軍幽州刺史臣匹碑尚書曰勗哉夫子尚桓桓漢書曰陳遵張翊為後進冠爾雅曰牧臨也尚書曰有夏昏虐

民墜塗炭

既濟寇挫民阜

周禮曰以阜人民鄭玄曰阜盛也

謬其疲隸

授之朝右

朝右謂別駕也張璠漢紀曰王堂為汝南太守敬掾吏曰其憲章朝右委功曹陳蕃也

上懼任大下欣施厚

漢書武帝制曰任大而守重管子曰上施厚則民之報工亦厚也

實祇高明敢忘所守

其十二毛詩曰高朗令終鄭玄曰有高明之譽而以善名終也漢書

谷永曰有守相彼反哺尚在翔禽毛詩曰相彼鳥矣猶求友聲小雅曰純嘏

者循其職也而反哺者孰是人斯而忍斯心斯心謂慈父母見害之謂之鳥矣

子曰是人斯每憑山海庶覲高深山海以喻琨也李斯上書曰太山不讓土

壤故能成其高河海不遐眺存亡緬戎飛沉其十三韋擇細流故能成其深

曰緬猶長徽已纓逝將徙舉長徽已纓謂被匹碑所辟類乎徽纓之繫於已也周

易曰繫用徽纆說文曰嬰繞也收跡西踐銜哀東顧鄭玄毛詩箋曰迴首曰顧曷云

塗遼曾不咫尺賈逵國語注曰八尺曰咫豈不夙夜謂行多露其十四

詩曰豈不夙夜謂行多露然貞女縣縣女蘿施于松標以露多而不往喻已懼威而不行

女蘿自喻松標謂琨也毛詩曰葛與女
蘿施于松柏廣雅曰標末也必遙切 稟澤洪幹晞陽

豐條

說文曰幹本也楚辭曰夕晞余
根淺難固莖弱易

彫操彼纖質永此衝颺

其十五颺喻亂也鹽鐵論
曰衝風飄雨沙石激積 纖質

實微衝颺斯值誰謂言精致在賞意

莊子曰可以言論
者物之朔者也可

以意致者物之精者也鄭
玄禮記注曰致之言至也

不見得魚亦忘厥餌

餌猶筌
也莊子

曰筌者所以得魚也得魚而忘筌
言者所以在意也得意而忘言

遺其形骸寄之深識

其十六莊子曰申徒兀者也謂子產曰吾與夫子遊十
有九年夫而未曾知吾兀者也今與我遊於形骸之內
而子索我於形骸之外不亦
過乎王命論曰淵然深識 先民願意潛山隱几
曰先

民有作爾雅曰願養也莊子曰南郭
子綦隱几而坐嗒焉以喪其偶也
仰熙丹崖俯藻綠

水說文曰熙燥也無求於和自附衆美
莊子曰古之治道
者智與恬交相養

而和理出其性又曰無不亡也無
慷慨遐蹤有愧高旨

其十七言心慷慨慕古賢之遠
爰造異論肝膽楚越
謂

被謗也臧榮緒晉書曰衆人謂琨詩懷帝王大志莊子
仲尼謂常季曰白其異者視之肝膽楚越也高誘淮南

子注曰肝膽喻近
惟同大觀萬殊一轍
同大觀謂琨也

也楚越喻遠也
大觀乃見其符文子曰聖人由近知遠以
死生既齊榮

萬異為一同也淮南子曰萬殊為一也
辱奚別
列子楊朱曰生齊死齊賢愚齊貴齊賤
處其

玄根廓焉靡結

其十八廣雅曰玄道也張衡玄圖曰玄者無形之類自然之根作於太始莫與

為先廣雅曰廓空也靡結謂體道虛通心無怨結也

福為禍始禍作福階言無常也韓詩

曰利為用本福為禍先越記曰禍為福先福為禍堂

天地盈虛寒暑周迴言物極必反也

周易曰天地盈虛與時消息又曰寒往則暑來暑往則寒來

夫差不祀蒙在勝齊喻

聰也史記曰吳王夫差北伐齊敗於艾陵越王勾踐敗吳吳王遂自剄死越王滅吳也

句踐作伯

祚自會稽

其十九以喻現也史記曰句踐已平吳周元王使人賜句踐胙九命為伯又曰句踐以甲

兵五千人樓於會稽也

邈矣遠度唯道是杖達度亦形有未泰神

無不暢

何晏論語注曰泰自縱泰也漢書音義曰暢通也

如川之流如淵之量

毛詩曰如山之苞如川之流國語齊大夫子高適魯上見孔子曰而今而後知泰山之為高海澗之為大也弘棟隆下塞民望也鄭玄禮記注曰塞滿也左氏傳師曠謂晉侯夫君神之主而民之望也

贈崔溫一首

五言 集曰與溫太真崔道儒何法盛晉錄曰溫嶠字太真又曰崔悅字道儒

盧子諒

逍遙步城隅暇日聊游豫

毛詩曰侯我於城隅暇日已見上文曹植蟬賦曰始游豫

手芳北眺沙漠垂南望舊京路

說文曰漠北方流沙也曹子建白馬篇曰揚聲

沙漠平陸引長流岡巒挺茂樹中原厲迅飈山河起雲

霧

屬疾貌也

游子恒悲懷舉目增永暮

漢書高祖曰遊子悲故鄉李陵書曰舉目

言笑雖與為懼曹子建

良濤不獲偕舒情將焉訴

楚辭曰向

應詔詩曰長懷永慕

長風而舒情遠念賢士風遂存往古務

楚辭曰伊思兮往古朔鄙多俠

氣宣唯地所固

爾雅曰朔北方也鄭玄周禮注曰都之所居曰鄙漢書曰趙地北通燕涿高氣

勢也李牧鎮邊城荒夷懷南懼

史記曰李牧者趙之北邊良將也常居代鴈門備匈奴

奴匈奴小入佯北不勝以數千人委之單于聞之大率

衆來入李牧多為奇陣張左右翼擊之大破殺匈奴十餘萬騎單于奔走其後十餘歲匈奴不敢近趙邊城說文曰懷思念也趙奢正疆場秦入

折北慮

史記曰趙奢趙之田部吏也秦伐韓令趙奢將救之大敗秦軍秦軍解而走遂解閼與之圍而

歸左氏傳曰疆場之患一彼一此

羈旅及寬政委質與時遇

左氏傳齊侯使敬仲

為卿辭曰羈旅之臣幸皆獲宥及於寬政君之惠也又狐突曰策名委質貳乃辟也恨以驚蹇姿

徒煩飛子御

王命論曰驚蹇之乘不騁千里之塗史記曰大維生非子非子居大丘好馬及畜善

養息之大丘人言之周孝王召使主馬于汧渭之間大蕃息非與飛古字通

亦既弛負擔

位宰黔庶苟云免罪戾何暇收民譽

左氏傳陳公子完曰免於罪戾弛於

負擔又曰晉悼公即位六官之長皆民譽也

倪寬以殿黜終乃最衆賦

漢書曰倪

寬遷左內史時裁濶狹與民相假貸以租多不入後有軍發左內史以負租課殿當免皆恐失之大家牛車小家擔負輸租強屬不絕課更以最上何武不赫赫遺愛常在去

漢書曰自武為大司

空其所居亦無赫赫名去後常見思

古入非所希短弱自有素

鄭玄禮記注曰素猶

故何以敷所辭惟以二子故

二子謂崔溫也

答魏子悌一首

五言

盧子諒

崇臺非一幹珍裘非一腋

慎子曰廊廟之材蓋非一木之枝孤白之裘非一狐之皮

也治亂安危存亡榮辱之施非一人之力裨蒼曰腋在肘後

多士成大業羣賢濟弘

績

班固漢書贊曰高祖征伐定天下縉紳之徒騁其智辯並成大業

遇蒙時來會聊齊

朝彥跡

言富貴榮寵時之暫來也漢書蒯通曰時乎時不再來

顧此腹背羽愧彼

排虛翮

韓詩外傳曰晉平公遊於河而嘆曰安得賢士與之樂此也

船人孟胥跪而對曰主君亦不好士耳何患無士乎公曰吾食客門左千人右千人何謂

不好士乎對曰夫鴻鵠一舉千里所恃者六翮耳背上之毛腹下之毛益一把飛不為加高損一把飛不為加

下今君之食客門左右各千人亦有六翮在其中矣將皆背上之毛腹下之毛耶

寄身陰四岳託好憑三益

四岳謂劉琨也四岳已見上文

論語孔子曰益者三友友直友諒友多聞益矣

傾蓋雖終朝大分邁疇昔

鄒陽上書

曰白頭如新傾蓋若故左氏傳曰楚子文訓兵終朝而畢李固與賈卿書曰開廓大分綢繆恩信左氏傳羊斟

曰疇昔之在危每同險處安不異易

易夷易也協韻以赤切

俱涉

晉昌艱若更飛狐厄

王隱晉書曰惠帝以燉煌土界濶遠分立晉昌郡又曰晉昌護匈奴

中郎將別領戶然時段匹碑為此職謹在碑所難序言

之故曰晉昌也晉中興書曰石勒攻樂平劉琨自伐飛

狐口奔恩由契濶生義隨周旋積契濶已見上文左氏

安次也

子曰晉楚治兵

以與君周旋

豈謂鄉曲譽謬充本州役

則不可以論行匹碑碑謹為幽州

別駕故曰本州之役已見上文

乖離令我感悲欣使

情惕

惕猶切切也

理以精神通匪曰形骸隔

可與論道非精神之妙詩申篤好清義貫幽蹟

不通形骸已見上文

恨無隋侯珠以酬荆文璧

子曰楚人卞和得璞玉於荆

山之中文王即位乃使理其璞得寶焉乃命曰和氏

之璧也傳玄豫章行曰琅玕溢金匱文璧世所無

答靈運一首 五言

謝宣遠

夕霽風氣涼閑房有餘清

何敬祖雜詩曰閑房來清氣呂氏春秋曰冬不用翼清有

餘也開軒滅華燭月露皓已盈

軒牕也蜀都賦曰高軒以臨山秦嘉贈婦詩曰飄飄

帷帳榮華燭

獨夜無物役寢者亦云寧

孫卿子曰是謂以己為物役也忽獲

愁霖唱懷勞奏所成

靈運愁霖詩序云示從兄宣遠

歎彼行旅艱深茲

眷言情

魏文柳賦曰行旅仰而迴眷毛詩曰眷言顧之

伊余雖寡慰殷憂暫為

輕長門賦曰伊余懷之慢愚分車毛詩曰耿耿不寐如有殷憂

牽率酬嘉藻長揖愧吾

生

左氏傳智伯曰牽率老夫以至於此文賦曰嘉藻麗之彬彬漢書曰鄒食其長揖不拜陸機贈潘岳詩曰

余曰吾生

明德惟允

於安城答靈運一首

五言 謝靈運贈宣遠序曰從兄宣遠義熙十一年正月

作守安城其年夏贈以此詩到其年冬有答

條繁林彌蔚波清源愈濬

阮德猷答袁道彥詩曰體直饗正源流深清

華宗

誕吾秀之子紹前脣

魏志曹植上疏曰華宗貴族必有應斯舉者毛萇詩傳曰誕大也大

矣后稷十月而生也廣雅曰秀美也毛詩曰之子于周征尚書曰陳克紹前烈孔安國尚書傳曰脣嗣也

繆結風徽煙煨吐芳訛

網繆已見上文周易曰天地煙煨萬物化醇演連珠曰肆義芳

訖鄭玄禮記注曰訖問也鴻漸隨事變雲臺與年峻其一鴻漸以喻

爵位也周易曰鴻漸于陸其羽可以為儀李顯阮彥倫誅曰累土積功以為雲臺淮南子曰雲臺之高墮者折

脊碎脛高誅曰際於雲故曰雲臺也華萼相光飾嚶嚶悅同響毛詩曰棠棣之華萼

不韡韡鄭玄曰興者諭弟以敬事凡凡以榮覆弟也毛詩曰伐木丁丁鳥鳴嚶嚶鄭玄曰其鳴之志似於求友

也親親子敦余賢賢吾爾禮記曰君子賢其賢而親其親又曰親親故尊祖尊

祖故敬宗論語曰賢賢易色比景後鮮輝方年一日長言比景後爾鮮輝方年長

爾一日也說文曰景光也孔安國論語曰子路曾皙冉有公西華侍坐子曰以吾一日長乎爾萎葉愛

榮條涸流好河廣其二萎葉涸流自喻也王逸楚辭注曰枝葉早萎痛絕落潘安仁河陽詩

曰峻巖數條除文賦曰豁若殉業謝成操復禮愧貧樂

泗流楚辭曰江河廣而無梁司馬彪莊子注曰殉營也論語子曰一日克己幸會果

復禮天下歸仁焉子曰貧而樂富而好禮者也幸會果

代耕符守江南曲許慎淮南子注曰果成也禮記曰諸侯之下士視上農夫祿足以代耕漢書曰初與郡守履運傷荏苒遵塗歎緬邈

書曰初與郡守履運傷荏苒遵塗歎緬邈序張茂先勵志詩云日與月與荏苒代謝陸機贈馮文熊詩曰遵塗遠蹈又擬古詩曰緬邈若飛沉布懷

存所欽我勞一何篤其三嵇康秀才詩曰思我所欽我勞如何徐幹答劉禎詩曰我思一

何篤其愁肇允雖同規翻飛各異概毛詩曰肇允彼桃蟲翻飛惟鳥異概

兼三春謂異量也凡概以平量故言概而迢遞封畿外窈窕承顯量焉楚辭曰一概而相量也

明內

宣遠為安城守故云封畿外靈運為秘書監故云承明內也毛詩曰京畿千里承明假京洛而言之

也尋塗塗既睽即理理已對外內殊職是塗睽也絲路

有恒悲矧迺在吾愛

其四絲路已見上又絲或為蹊也跬行安步武鍛

翩周數仞

漢書公孫獲曰吳失與而無肋跬行獨進如淳曰跬以一足行為蹊空藥切鄭玄禮記注

曰武迹也淮南子曰飛鳥鐵羽許慎曰鐵殘羽也莊子曰有鳥也其名曰鵬搏扶搖羊角而上者行九萬里斥

鷃笑之曰我騰躍而上不過數仞而下此亦飛之至也包咸論語注曰七尺曰仞豈不識高遠

遠方往有客

阮籍詠懷詩曰豈不識宏大羽翼不相儀郭象莊子注曰亦猶鳥之自得於一方也

周易曰君子舍之往吝窮也

歲寒霜雪嚴過半路愈峻

言位高而愈懼也莊子孔

予曰天寒既至霜雪既降戰國策曰戎謂秦王量已畏

友朋勇退不敢進

庾元規讓中書表曰量已知弊左氏傳陳敬仲曰詩云豈不欲往畏我友

朋晏子春秋曰士難進而易退也

行矣勵令猷寫誠酬來訊其五孔安國尚書傳

曰勵勉也補亡詩曰賓寫爾誠曹植與吳質書曰得所來訊文永委曲

西陵遇風獻康樂一首

五言 沈約宋書曰靈運襲封康樂侯鄭玄禮記注

曰獻猶進也又曰古者致物於人尊之曰獻

謝惠連

我行指孟春春仲尚未發趣途遠有期念離情無歇趣向

也成裝候良辰漾舟陶嘉月

許慎淮南子注曰裝飾也良辰已見上文蜀都賦曰

漾輕舟楚辭曰陶嘉月兮總駕舉玉英兮自脩爾雅曰陶喜也

瞻塗意少悰還顧情多

關

其一韋昭漢書注曰悰樂也

哲兄感此別相送越垌林

兄謂靈運也漢書谷

永謝王鳳曰察父哲兄覆育子弟誠無以加毛詩曰有女此離慨其歡矣毛萇曰此別也匹視切爾雅曰野外

曰林林外曰垌

飲餞野亭館分袂澄湖陰

毛詩曰飲餞于禰范曄後漢書曰郭伋遂

止野亭

悽悽留子言眷眷浮客心

韓詩曰眷眷懷顧孔安國尚書傳曰浮行也

迴塘隱艫棧遠望絕形音

其二南都賦曰分背迴塘說文曰艫船頭也韋昭漢書注

曰棧也

靡靡卽長路戚戚抱遙悲

楚辭曰居戚戚而不解

悲遙但自

弭路長當語誰

楚辭曰汎容與而遐舉兮聊抑志而自弭杜預左氏傳注曰弭息也古詩曰愁

思當語誰行行道轉遠去去情彌遲

陸機赴洛詩曰行行遂已遠韓詩外傳曰孔子

之去魯遲遲乎其行也

昨發浦陽汭今宿浙江渚

其三鄭善長水經注曰浦陽江

水導源烏傷縣而經上虞縣孔安國尚書傳曰水北曰汭晉灼漢書注曰江水至會稽山陰為浙江郭璞山海

經注曰今錢塘有浙江音折

屯雲蔽曾嶺驚風涌飛流零雨潤墳澤

落雪灑林丘

毛詩曰零雨其濛

浮氛晦崖巘積素盛原疇

爾雅曰重

巘陳

曲汜薄停旅通川絕行舟

其四王逸楚辭注曰泊止也泊與薄古字通韓

詩外傳阿谷之女曰阿谷之隊隱也行旅已見上文上林賦曰通川過於中庭魏文帝善哉行曰洋洋川流中

有行舟臨津不得濟停櫂阻風波孔叢子孔子歌曰臨津

許久立也家語孔子曰不觀不濟還轅息鄒爾雅曰巨海何以知風波之患也蕭條洲渚除氣色少諧和

西瞻興遊歎東睇起悽歌積憤成疾痼無萱將如何其

韓詩曰焉得萱艸言樹之背願言思伯使我
心痼薛君曰諶艸忘憂也萱與諶通痼音悔

還舊園作見顏范二中書一首

五言 沈約宋書
曰元嘉三年徐羨

之等殊微顏延之為中書
侍郎范中書蓋謂范泰也

謝靈運

辭滿豈多秩謝病不待年偶與張邴合久欲還東山漢書

張良曰今以三寸舌為帝師封萬戶位列侯此布衣之極於良足矣願棄人間事欲從赤松子學道輕舉又曰琅邪郝漢亦有清行兄子曼容亦養志自脩為官不肯過六百石歟自免去東山謂會稽始寧也檀道鸞晉陽秋曰謝安有反東山聖靈昔迴眷微尚不及宣陸機弔魏武帝之志每形之於言

文曰庶聖靈之響像魏文帝柳賦曰行旅仰而迴眷

何意衝飈激烈火縱炎煙焚玉發

崑峯餘燎遂見遷

沈約宋書曰少帝即位權在大臣靈運構扇異同非毀執政司徒徐羨之

等患之出為永嘉太守衝曉已見上文尚書

投沙理既

曰火炎崑岡玉石俱焚天吏逸德烈于猛火

迫如叩願亦愆

漢書曰賈誼以謫居長沙長沙卑濕誼自傷悼以為壽不得長又曰卓文君謂

司馬長卿曰第如臨叩從昆弟假貸猶足以為生何至自苦如此相如與俱之臨叩第但也

長與懽

愛別永絕平生緣

緣因緣也

浮舟千仞壑總轡萬尋巔

戰國策蘇

代曰水浮輕舟春秋繁露曰水赴千仞之壑而不旋似勇者家語孔子曰善御者正身以總轡琴賦曰青壁萬

尋

流沫不足險石林宣為艱

列子曰孔子觀於呂梁懸水四十仞流沫三十里見

一丈夫遊之以為有苦使弟子並水而泳之數百步出被髮行歌而遊於堂下孔子從而問焉曰蹈水有道乎

長於水而安於水性也楚辭曰馬有石林閩中安可處日夜念歸旋漢書曰

無諸世奉越祀身帥閩中兵以佐滅秦韋昭曰東越之別名也閩音旻事蹟兩如直心慚

三避賢

言史魚有道無道行俱如矢而已有道則見召無道則左遷故云事蹟兩如矢直而已雖遷終

無悔吝心慚三避之賢韋昭漢書注曰躓頓也謂顛仆也說文曰躓跌也論語子曰直哉史魚邦有道如矢邦

無道如矢史記曰孫叔敖相楚三去相而託身青雲上不悔知其非已罪也三避三黜也蹟音致

棲巖挹飛泉

陸機詩曰託身永華側嵇康絕交詩曰許由之巖棲

盛明盪氛昏貞

休康屯遭

盛明貞休謂太祖也言以盛明之德而盪氛昏之徒又以正美之道以康屯遭之俗也解

朝曰遭盛明之世周易曰乾元亨利貞又曰休否大人吉鄭玄曰休美也王弼曰居尊位能休否也周易曰屯

如遭

殊方感成貸微物豫采甄

沈約宋書曰太祖登祚徐美之等徵靈運為秘

書監再召不起上使光祿大夫范泰與靈運書敦獎之乃出就文子曰殊方偏國夫惟道善貸且成說文曰貸施也魏明帝豫章行曰於斯誠微物能不懷陽悴鄭玄尚書緯注曰甄表也

感深操不固質

弱易板纏

謂應徵也感深感荷情深也楚辭曰悲靈脩之浩蕩何執操之不固應璩與陰中夏書曰

體正者則檢於人質弱者則陋於衆板屢猶牽引也

曾是反昔園語往實款然

毛詩

曰曾是在位廣雅曰款受也

曩基即先築故池不更穿

爾雅曰曩久也謂久舊也

仲長子曰築基起功莊子曰相造于水者穿池而養給也

果木有舊行壤石無違延

劉歆甘泉賦曰柱木雜而成行說苑曰楚莊王築層臺延石千里延壤百里

雖非休憇地聊

取永日閑

毛詩曰且以永日鄭玄曰永別也

衛生自有經息陰謝所牽

莊子南榮越曰願聞衛生之經而已矣老子曰衛生之經乎能抱一乎能勿失乎能與物委蛇而同其波乎是衛生之經也司馬彪曰衛生謂衛護其生全性命也息陰即息影也牽謂俗務也已見遊南亭也

夫子

照情素探懷授往篇

史記蔡澤謂應侯曰公孫鞅之事孝公也披于情素素猶實也王仲

宣詩曰探懷授所
歡願醉不顧身

登臨海嶠初發疆中作與從弟惠連見羊何共和

之一首

五言 謝靈運遊名山志曰桂林項遠則
殊尖疆中沈約宋書曰靈運既東還與族

弟惠連東海何長瑜潁川荀雍太山羊璿之
文章常會共為山澤之遊時入謂之四友

謝靈運

杪秋尋遠山山遠行不近

楚辭曰觀杪
秋之遙夜

與子別山阿含

酸赴脩軫

軫當為吟說文
曰吟井田間陌

中流袂就判欲去情不忍

毛

詩傳曰判分也毛
詩曰彷徨不忍去

顧望脰未悵汀曲舟已隱

何休公羊
傳注曰脰

頸也陸彥聲詩曰相思心既勞相望脰亦悵說文
曰痛疲也痛與悵通文子集畧曰汀水際平也 隱汀

絕望舟驚棹逐驚流海賦曰驚浪雷奔欲抑一生歡并奔千里

遊言遠別已為抑歡千里逾加離思列子公孫朝曰欲
盡一生之歡窮當年之樂古詩曰離家千里客戚戚

多思 日落當棲薄繫纜臨江樓增 離舟索也吳志曰更增舸纜謝靈運遊名山

志曰從臨江樓步路南上二里許左望湖中右傍長江也 宣惟夕情歛憶爾共淹留

楚辭曰攀桂 淹留昔時歡復增今日歎潘岳哀永逝曰憶舊歡兮增新

悲 茲情已分慮况迺協悲端悲端謂秋也楚辭曰悲哉秋之為氣也 秋泉

鳴北澗哀猿響南巒爾雅曰巒山峯郭璞曰山形長狹者荊州謂之巒 戚戚新

別心悽悽久念攢

蒼頡篇曰攢聚之也

攢念攻別心旦發清溪陰

暝投剡中宿明登天姥岑

楚辭曰夕投宿於石城漢書曰會稽有剡縣吳錄地理志

曰剡縣有天姥岑剡植琰切姥莫古切

高高入雲霓還期那可尋

孟子註泰山之

高參天入雲羊祐請伐吳表曰高山尋雲霓潘安仁在懷縣詩曰感此還期淹

儻遇浮丘公長

絕子徽音

列仙傳曰王子喬好吹笙道人浮丘公接以上嵩山毛詩曰太如嗣徽音

酬從弟惠連一首

五言

謝靈運

寢瘳謝人徒滅迹入雲峯

爾雅曰瘳病也太玄經曰老子曰行則滅迹立則隱形

巖壑寓耳目歡愛隔音容永絕賞心望長懷莫與同

潘安

仁詩曰歲寒無與同

末路值令弟開顏披心胷

其一鄒陽上書曰至其晚節末路應

亨古詩曰濟濟令弟史記蔡澤曰披腹心

心胷既云披意得咸在斯

莊子善養曰余

道遙於天地之間而心意自得也

凌澗尋我室散帙問所知

說文曰帙書衣也

夕慮曉月流朝忌曛日馳

王逸楚辭注曰曛黃昏時也

悟對無厭歇

聚散成分離

其二言事無常故聚而必散成有分離也莊子曰禍福相生聚散以成

分離

別西川迴景歸東山別時悲已甚別後情更延

爾雅曰延長也

傾想遲嘉音果枉濟江篇

遲猶思也果猶遂也

辛勤風波事款曲

洲渚言

其三風波已見上文王嘉贈婦詩曰思面叙款曲

洲渚既淹時風波子

行遲務協華京想詎存空谷期

廣雅曰務遠也華京猶京華也郭璞遊仙詩曰

京華遊俠窟毛詩曰皎皎白駒在彼空谷

猶復惠來章祇足攪余思

毛詩曰胡逝我

梁祇攬我心

儻若果歸言共陶暮春時

其四陶喜也已見上文

暮春雖

未交仲春善遊遨

未交謂暮春氣節與仲春未交也孔安國尚書傳曰南交言夏與春交也

山桃發紅萼野蕨漸紫苞

爾雅曰槐山桃也毛詩曰言采其蕨毛詩義疏曰蕨山菜

也初生紫色尚書曰艸木漸苞孔安國曰漸進長苞叢生也

鳴嚶已悅豫幽居猶鬱

陶鳴嚶已見上文禮記曰幽居而不淫論衡曰幽居而靜處恬澹自守尚書曰鬱陶乎予心顏厚有怙怙孔

安國曰鬱
陶哀思也

夢寐佇歸舟
釋我吝與勞

其五范曄後漢書
曰陳蕃周舉嘗相

謂曰數日之間不見黃生則鄙吝之萌
復存乎心毛詩曰豈不爾思勞心忉忉

文選卷二十五

欽定四庫全書

文選卷二十六

梁蕭統編

唐李善註

贈答

贈王太常一首

五言
蕭子顯齊書
曰王僧達除太常

顏延年

玉水記方流璇源載圓折

尸子曰凡水其方折者
有五其圓折者有珠也

蓄寶

每希聲雖祕猶彰徹

老子曰太音希聲左氏傳君子
曰以險危大人而有名彰徹也

聆

龍睒九泉聞鳳窺丹穴

廣雅曰睒聽也莊子曰夫千金之珠必在九重之泉驪龍頷下

說文曰睒察也山海經曰丹穴之山有鳥焉其狀如鶴五采名曰鳳鳥丹穴已見東京賦

歷聽豈多

工唯然覲世哲

孔安國尚書傳曰工官也

舒文廣國華敷言遠朝列

王逸楚辭注曰發文舒詞爛然成章國語季文子曰吾聞以德榮為國華尚書曰凡厥衆人極之敷言秋興賦

曰猥厠朝列爾雅曰列業也

德輝灼邦懋芳風被鄉耆

禮記曰德輝動乎內而人

莫不承聽稱衡顏子碑曰秀不實振芳風

側同幽人居郊扉常晝閉

周易曰履道坦

坦幽人貞吉殷仲堪誄曰荆門晝掩閑庭晏然

林閭時晏開亟迴長者轍

爾雅曰野

外謂之林鄭玄周禮注云閭里門也漢書淮南王曰早閉晏開又曰陳平門外多長者車轍

庭昏見

野陰山明望松雪靜惟泱羣化徂生入窮節

鄭玄毛詩箋曰惟思

也蘇林漢書注曰泱周也莊子曰已化而生又化而死爾雅曰徂往也謂徃之死也家語孔子曰化於陰陽象

形而發謂之生化窮數盡謂之死

豫往誠歡歇悲來非樂闕

周易曰初六鳴豫凶

王弼曰樂過則淫志窮則凶爾雅曰豫樂也淮南子曰奏樂而喜曲終而悲鄭玄禮記注曰闕終也

屬美

謝繁翰遙懷具短札

屬猶綴也謝猶慙也說文曰懷念思也又曰札牒也祖點切

夏夜呈從兄散騎車長沙一首

五言集曰從兄散騎字敬宗車長

沙字仲遠

顏延年

炎天方埃鬱暑晏闌塵紛

淮南子曰南方曰炎天高誘曰南方五月建午火之中也

火性炎上故曰炎天廣雅曰方正也毛萇詩傳曰鬱積也禮記曰仲夏小暑至賈逵國語注曰晏晚也毛萇詩

傳曰闌息也杜預左氏傳注曰紛亂也

獨靜闕偶坐臨堂對星分

賈逵國語注曰

偶對也周禮曰以星分夜

側聽風薄木遙睇月開雲

法言曰風薄于山孔安國尚書

傳曰薄迫也亦激之意也楚辭曰雪紛紛而薄木

夜蟬當夏急陰蟲先秋聞

禮記

曰仲夏之月蟬始鳴易通系卦曰蟋蟀之蟲隨陰迎陽聖主得賢臣頌曰蟋蟀俟秋吟

歲候初過

半荃蕙豈久芬

楚辭曰時疊疊而過中又曰荃蕙化而為茅

屏居惻物變慕

類抱情殷

漢書曰實嬰謝病屏居田南山下鵬鳥賦曰萬物變化楚辭曰思慕類兮以悲魏文帝善

哉行曰喟然以悅歎抱情不得叙桓
玄鸛鵲賦曰眷儔侶而情殷殷憂也
九逝非空思七襄

無成文

楚辭曰惟郢路之遼遼兮魂一夕而九逝韓詩
曰跂彼織女終日七襄雖則七襄不成報章薛

君曰襄
反也

直東宮荅鄭尚書一首

五言 沈約宋書曰鄭鮮
之字道子高祖踐祚還都

官尚
書

顏延年

沈約宋書曰高祖受命延年補
太子舍人然荅詩謝舍人之日

皇居體環極設險祗天工

孔融薦禰衡表曰帝室皇居
西京賦曰若夫長年神仙宣

室玉堂譬衆星之環極洋洋赫羲以輝煌周易曰
王公設險以守其國尚書曰天工人其代之

兩闌阻

通軌對禁限清風

兩闌謂東宮及中臺也方言曰軌道也各有禁守謂禁中也故曰對也胡

廣書曰建洪德沅清風

跂予旅東館徒歌屬南墉

毛詩曰誰謂來遠跂予望之賈

連國語注曰旅客也爾雅曰徒歌曰謠鄭玄禮記注曰屬注也謂意注之也尚書為中臺在南故曰南墉

寢

興鬱無已起觀辰漢中

毛詩曰言念君子戴寢載興鄭玄考工記注曰鬱不舒散辰大

辰也爾雅大辰房心尾也郭璞曰龍星明者以為時候故曰大辰毛萇詩傳曰漢天河也

流雲藹青

闕皓月鑒丹宮

廣雅曰鑒照也

跼蹐清防密徙倚恒漏窮

毛詩曰極

首跼蹐夏侯冲荅潘岳詩曰相思限清防企仲誰與言爾雅曰密靜也楚辭曰步徙倚而遙思漏窮言晚也

君子吐芳訊感物惻余衷

演連珠曰肆義芳訊古詩曰感物懷所思惜無丘

園秀景行彼高松

賈逵國語注曰惜痛也周易曰賁于丘園求帛爰爰陸機演連珠曰丘園

之秀因時則揚毛詩曰景行行止高松喻守節而不移也論語子曰歲寒然後知松栢之後彫也

知言

有誠實美價難克充

知汝之言有誠實舊貫美價難以克充漢書武帝詔書曰九變復貫

知言之選論語子貢曰有美玉於斯韞櫝而藏諸求善價而沽諸

何以銘嘉貺言樹絲

與桐

言樹絲桐欲播之琴瑟也魏文帝書曰嘉貺益腴爾雅曰貺賜也毛詩曰言樹之背史記曰駙忌以

鼓瑟見齊威王王曰夫治國家何異絲桐之間哉

和謝監靈運一首

五言 沈約宋書曰靈運為祕書監也

顏延年

沈約宋書曰少帝出顏延年為始安太守元嘉三年徵為中書侍郎

弱植慕端操窘步懼先迷

左氏傳鄭子產如陳曰陳亡國也其君弱植王逸楚辭注

曰植志也楚辭曰內惟省以端操又曰夫惟捷徑以窘步窘求損切周易曰先迷失道後順得常寡立

非擇方刻意藉窮棲

孫卿子曰寡立而不勝堅強而不暴周易曰君子以立不易方王弼

曰得其所久故不易也孔安國論語注曰方道也謂常道也莊子曰刻意尚行離世異俗此山谷之士非俗之

人枯槁赴淵者之所好也伊昔邁多幸秉筆侍兩閭陸

韋昭國語注曰山處曰棲伊昔邁多幸秉筆侍兩閭機

荅賈謐詩曰伊昔有皇左氏傳羊舌職曰民之多幸國之不幸國語士茁謂智襄子曰臣秉筆事君兩閭謂上

臺及東宮也事二雖慙丹艘施未謂玄素睽丹艘喻君恩也玄素

喻別也盧諶荅劉琨書曰始素終玄墨翟坐涕徒遭良

周易曰睽者乖也苦圭切尚書曰惟其塗丹艘

時諛王道奄昏霾

謂少帝之日也潘岳河陽縣詩曰徒恨良時泰蒼頡篇曰諛諂佞也彼寄

切方言曰奄遽也昏霾喻世亂也爾雅曰風雨土為霾

人神幽明絕朋好雲雨乖

人神幽明絕言時亂不獲祭享也曾子曰天曰明地曰幽張載詠懷詩曰雲乖雨散心乎愴而弔屈汀

洲浦謁帝蒼山蹊

謂之始安郡也賈誼有弔屈原文楚辭曰蹊汀洲兮杜若文字集略曰汀

水際也曹子建贈白馬王詩曰謁帝承明廬禮記曰舜葬蒼梧之野

倚岩聽緒風攀林結

留萋

楚辭曰倚石岩以流涕又曰款秋冬之緒風又曰畦留萋與揭車王逸曰留萋香草也

跂予

間衡嶠曷月瞻秦稽

跂予已見上文衡山名也爾雅曰山銳而高曰嶠毛詩曰曷月余還

歸哉孔融會稽記曰秦望山在州城正南史記曰始皇登之望南海越絕書曰禹秋水到大越上茅山大會計

更名茅山
曰會稽

皇聖昭天德豐澤振沉泥

皇聖謂文帝也孫卿子曰變化代興

謂之天德謝承後漢書曰仁風豐澤四海所宗說文曰振舉也易繫與張略書曰碩蘭沉泥

惜無爵

雉化何用充海淮

國語曰趙簡子歎曰雀入于海為蛤雉入于淮為蜃鄭玄禮記注曰充足

也子喻切

去國還故里幽門樹蓬藜

去國謂去始安也莊子曰越之流人去國旬月

古詩曰思還故里閭楚辭曰處玄舍之幽門陸雲答兄書曰修庭樹蓬

采茨葺昔宇翦棘

開舊畦

鄭玄周禮注曰茨闔苦也又廣雅曰葺覆也左氏傳戎子駒支曰驅其狐狸翦其荆棘孟子曰

病于夏畦劉熙曰今俗以二十五畝為小畦

物謝時既晏年往志不偕

言年既日

往志意已衰不與子俱也王逸楚辭注曰謝去也楚辭曰年洋洋而日往毛萇詩傳曰偕俱也俱亦齊同之意

也親仁敷情昵興玩究辭棲

親仁謂靈運也左氏傳陳五父曰親仁善鄰國之寶

也爾雅曰昵近也孫炎曰親之近也說文曰興悅也玩愛也

芬馥歇蘭若清越奪琳

珪吳都賦曰芬馥舒蜚說文曰歇息也一曰氣越泄也禮記曰昔者君子比德於玉焉叩之其聲清越以長

鄭玄曰越猶揚也

盡言非報章聊用布所懷

易曰書不盡言報章已見上文莊子

曰有問而應之盡其所懷蒼頡篇曰懷抱也

荅顏延年一首

五言

王僧達

沈約宋書曰王僧達琅邪人少好學善屬文為始興王行府參軍稍遷至中書

令以屢犯上顏於獄中賜死

長卿冠華陽仲連擅海陰

長卿相如字也尚書曰華陽黑水惟梁州華陽國記曰益

州地稱天府原曰華陽史記曰魯仲連齊人也殺梁傅曰水南曰陰珪璋既文府精理亦

道心

言珪璋之麗既光於文府精理之妙亦窮於道君

子聳高駕塵軌實為林

楚辭曰疎余駕兮入冥何邵詩曰虎無風雲會安能襲塵軌司

馬遷書曰列於君子之林也

崇情符遠迹清氣溢素襟

思玄賦曰益遠迹以飛聲

陸景典語曰清氣漂於青雲之上聲類曰襟交領也

結遊略年義駕顧棄浮沉

莊

曰忘年忘義振於無境鄭玄毛詩箋曰顧念也高誘淮南子注曰浮沉猶盛衰也

寒榮共偃曝

春醞時獻斟

桓子新論曰余與揚子雲奏事坐白虎殿廊廡下以寒故背日曝焉郭璞上林賦注

曰榮屋南簷也曹植酒賦曰
聿來歲序暄輕雲出東岑
或秋藏冬發或春醞夏開

毛詩曰聿來胥宇
鄭玄曰聿自也
麥壟多秀色楊園流好音
魏文帝登城賦曰嘉

麥被壟廣雅曰秀莢也毛詩曰楊
園之道又曰睨睨黃鳥戴好其音
歡此乘日暇忽忘逝

景侵

言人壽不留與景俱逝而壽損侵謂之侵莊子牧馬童子謂黃帝曰有長者教予曰若乘日之車而

遊於裏城之野郭象曰日出而遊日入而息
幽衷何用慰翰墨久謠吟
歸田賦曰

揮翰墨
樓鳳難為條淑貺非所臨
鳳非梧桐不棲故曰難為也
誦以

永周旋匣以代蕪金

左氏傳太史克曰奉以周旋不敢失墜孟子曰齊王餽蕪金一百而

不受也

郡內高齋閑坐荅呂法曹一首

五言 郡
是宣城郡

謝玄暉

結構何迢遞曠望極高深

結構謂結連構架以成屋宇也魯靈光殿賦曰觀其結構

廣雅曰曠遠也高深謂江山也魏武帝善哉行曰山不厭高海不厭深吳都賦曰曠瞻迢遞

窓中列

遠岫庭際俯喬林

曹子建詩曰歸鳥赴喬林

日出衆鳥散山暝孤猿

吟已有池上酌復此風中琴

石崇息歸引曰宴華池酌羽觴嵇康贈秀才詩曰習

習和風吹我素琴

非君美無度孰為勞寸心

毛詩曰彼已之子美無度又曰勞心

惻惻列子文擊謂叔龍曰吾見子之心矣方寸之地虛矣

惠而能好我問以瑤華音

毛詩曰惠而好我攜手同行毛萇曰惠愛也鄭玄曰言
愛仁而又好我毛詩曰雜佩以問之毛萇曰問遺也楚
辭曰折疏麻兮瑤華將以遺兮離居若遺金門步就見玉
山岑解朝曰歷金門上玉
堂穆天子傳曰癸巳至羣玉之山容氏所守先王之謂
冊府郭璞曰即山海經玉山西王母所居者皇甫謐釋
勸曰排闥
闥步玉岑

在郡卧病呈沈尚書一首

五言 集曰
沈尚書約也

謝玄暉

淮陽股肱守高卧猶在茲

漢書曰李布為河東守上召布曰河東吾股肱郡故特召

君耳又曰拜汲黯為淮陽太守黯伏地不受印上曰君薄淮陽耶顧淮陽吏人不相得吾徒得君重卧而治之

也 況復南山曲何異幽棲時謝靈運南山詩連陰盛農

節簦笠聚東菑

胡安道愁霖賦曰冀連陰之時退想雲物之見微毛詩曰彼都人士簦笠緇撮

毛萇曰簦所以御雨音臺爾雅曰田一歲曰菑

高閣常晝掩荒堦少諍辭

晝掩已見

上 文 珍簾清夏室輕扇動涼颼

楚辭曰溢颼風而上征

嘉魴聊可薦

淥蟻方獨持

毛詩曰南有嘉魚鄭玄毛詩箋曰聊畧也釋名曰酒有汎齊浮蟻在上洗洗然鄭玄

毛詩箋曰方且也

夏李沉朱實秋藕折輕絲

魏文帝與吳質書曰沉朱李於寒水

良辰竟何許夙昔夢佳期

佳謂沈也言會面良辰竟在何許而令夙昔空夢佳期阮

藉詠懷詩曰良辰在何許凝霜沾衣襟許猶所也尚書曰夙夜浚明有家孔安國曰夙早也浚深也早夜思之

須明行之楚辭曰與佳期兮夕張
王逸曰不敢斥尊者故言佳也

坐嘯徒可積為邦歲

已基

張璠漢記曰南陽太守弘農成瑨任功曹岑暉時人為之語曰南陽太守岑公孝弘農成瑨但坐嘯

去殺矣又曰苟有用我者期月而已可也三年有成絃

歌終莫取撫几令自嗤

論語曰子游為武成宰聞絃歌之聲陞機赴洛詩曰撫几不能

寐阮藉詠懷詩曰數噉令自嗤

暫使下都夜發新林至京邑贈西府同僚一首

五言

蕭子顯齊書曰謝朓為隨王子隆文學子隆在荊州好辭賦數集僚友朓以才文尤被賞愛

長史王秀之以朓年少相勳密以啟聞世祖敕朓可還都朓道中為詩以寄西府

謝玄暉

大江流日夜客心悲未央

呂氏春秋曰水泉東流日夜不休毛詩曰夜未央廣雅曰

央已也徒念關山近終知反路長

古樂府有度關山曲王粲閑邪賦曰關山介而

阻險頗延年秋胡詩曰反路遵山河秋河曙耿耿寒渚夜蒼蒼

秋河天漢也耿耿光

也毛詩曰引領見京室宮雉正相望

潘岳河陽縣詩曰引領望京室東都

賦曰京室密清周禮曰王城隅之制九雉古詩曰兩宮遙相望

金波麗鵲玉繩低建

章

漢書歌云月穆穆以金波王弼周易注曰麗連也張揖漢書注曰鵲鵲觀在雲陽甘泉宮外春秋元命包

曰玉衡北兩星為玉繩星漢書曰栢梁災於是作建章宮也

驅車鼎門外思見昭丘

陽

古詩曰驅車策駑馬帝王世紀曰春秋成王定鼎于郊鄒其南門名定鼎門蓋九鼎所從入也方言曰冢

大者為丘丘南曰陽荆州圖記曰當陽東有楚昭王墓登樓賦曰所謂西接昭丘也馳暉不可接

何況隔兩鄉

馳暉日也眺至尋陽詩曰過客無留軫馳暉有奔箭毛萇詩傳曰鄉所也

風雲

有鳥路江漢限無梁

南中八志曰交趾郡治龍編縣自興古鳥道四百里楚辭曰江河廣

而無

常恐鷹隼擊時菊委嚴霜

毛萇詩傳曰古者鷹隼擊然後爵羅設潘岳河

陽詩曰時菊耀秋華委猶悴也楚辭曰冬又申之以嚴霜

寄言爵羅者寥廓已高翔

喻蜀父老曰猶鶴鵠之翔乎寥廓之字而羅者猶視乎藪澤廣雅曰寥深也廓空也

酬王晉安一首

五言 集曰王晉安德元王隱晉書曰晉安郡太康三年置即今之

泉州也

謝玄暉

稍稍枝早勁塗塗露晚晞

爾雅曰稍稍擢也郭璞曰謂木無枝柯稍稍擢長而殺也楚

辭曰白露紛以塗塗王逸曰塗塗厚貌也毛萇詩傳曰晞乾也

南中榮橘柚寧知鴻雁

飛

列子曰吳越之國有木焉其名曰櫟碧樹而冬生櫟則柚字也鴻雁南棲衡陽不至晉安之境故曰寧知

也

拂霧朝清閣日旰坐彫闥

左氏傳趙鞅曰日旰矣說文曰旰日晚也

悵望

一塗阻參差百慮依

蔡邕詩曰暮宿何悵望周易曰一塗而百慮仲長統詩曰百慮何為

至安在我

春草秋更綠公子未西歸

言春草萋萋故王孫樂之而不反今春草秋而

更綠公子尚未西歸楚辭曰王孫游兮不歸春草誰能
生兮萋萋古詩曰秋草萋已綠毛詩曰誰能西歸誰能

久京洛緇塵染素衣

陸機為顧彥先贈婦詩曰
京洛多風塵素衣化為緇

奉荅內兄希叔一首

五言 顧氏家譜曰盼
字希叔邵陵王國常侍

陸韓卿

蕭子顯齊書曰陸厥字韓卿吳人好屬
文州舉秀才王晏少傳主簿後至行軍

參軍厥父被誅坐繫尚方尋有令赦厥恨父
不及感慟而卒其集云竟陵王舉秀才還太

子太傳
功曹掾

嘉惠承帝子躡履奉王孫

帝子謂竟陵也王孫謂太傅
王晏也越絕書曰恭承嘉惠

迷暢往事管子曰君有嘉惠於其臣漢書儀曰帝子為
王長門賦曰躡履起而彷徨魏志蔡邕見王粲曰此王

公孫有異才

屬叨金馬署又點銅龍門

漢書音義曰屬近也叨金馬署謂為秀才

也兩都賦序曰內設金馬石渠之署點銅龍門謂為太傅功曹掾也漢書曰上嘗急召太子出龍樓門張晏曰

門樓上有銅龍

出入平津邸一見孟嘗尊

孟嘗喻太傅也漢書曰封丞相公孫弘為

平津侯於是起客館開東閣以延賢人與參謀議說苑雍門周說孟嘗君曰以孟嘗之尊乃如是也

歸來

翳桑柘朝夕異涼溫

其一左太仲詠史詩曰陳平無產業歸來翳桑負郭涼溫喻貴賤也

殂落固云是寂蕤終如斯

殂落猶彫落也羽獵賦曰萬物徂落於外荀紀七哀詩曰

何其寂蕤杜門清三徑坐檻臨曲池

漢書曰王陵杜門竟不朝請三輔決錄曰蔣詡

字元卿舍中三徑楚辭

鳬鵠嘯儔侶荷芟始參差

蜀都賦曰

曰坐堂伏檻臨曲池

鴻傳 雖無田田葉及爾泛漣漪 其二古樂府詩曰江南可采蓮蓮葉何田田毛

詩曰河水清且漣漪 春華與秋實庶子及家丞 魏志曰邢顒字子昂為平原侯植家

丞顒防閑以禮無所屈撓由是不合庶子劉楨書諫植曰家丞邢顒北土之彥而植禮遇殊特顒反疎簡私懼

觀者將謂君侯習近不肖禮賢不足 米庶子之春華忘家丞之秋實 王門所以貴自古多

俊民 鄒陽上書曰何王之門不可曳長裾乎尚書曰峻民用康峻與俊同 離宮收杞梓華

屋富徐陳 離宮華屋皆謂太子也卞壺議曰太子所居宮稱東宮不言太子宮者二宮以東西為稱

明是天子之離宮使太子居之也左氏傳楚聲子曰晉大夫皆卿才也如杞梓皮革自楚往也吳質答曹子建

書曰墳簫激於華屋魏志曰文帝為五官郎將北海徐幹廣陵陳琳並見友善 平旦上林苑日

入伊水濱

其三言晨夕侍遊良非一所也楚辭曰平明發兮蒼梧漢書曰梁孝王入朝侍帝遊獵上

林中論衡曰堯時擊壤者曰吾日入而息列仙傳曰王子喬周靈王太子晉也遊伊雒之間

書記既

翩翩賦歌能妙絕

魏文帝與吳質書曰公幹五言詩之善者妙絕時人元瑜書記翩翩致足

樂相如慙溫麗子雲慙筆札

西京雜記曰枚皋文章捷疾長卿製作淹遲皆一時

之譽長卿首尾溫麗枚皋時有累句故知疾行無善迹矣方言曰慙慙也漢書曰樓護與谷永俱為五侯上客

長安號曰谷子雲之駿足思長阪柴車畏危轍

駿足喻希叔柴

車自喻也棗臺序荅杜育詩曰矯矯駿足繁纓朱就韓詩外傳齊子曰臣願君之賜駕馬柴車可得而乘也

愧茲山陽讌空此河陽別

其四魏氏春秋曰嵇康寓居山陽縣與向秀遊於竹林號

曰七賢曹植送應氏詩曰平原十日飲中散千里遊

平原

趙勝也史記曰秦昭王聞魏齊在平原君家遺平原君好書曰寡人聞君之高義願與為布衣之交君幸遇寡人寡人願與君為十日之飲平原君遂入秦見昭王干寶晉紀曰初呂安友嵇康相思則命駕千里從之

海方淫滯宜城誰獻酬

言已之事竟陵猶徐吳之在勃海漢書渤海郡有南皮縣即徐

吳遊之所也國語曰底著淫滯賈逵曰淫久也陳思王酒賦曰酒有宜城濃醪蒼梧漂清毛詩曰獻酬交錯

屏居南山下臨此歲方秋

屏居南山下已見上文左氏傳卜徒父曰歲云秋矣漢書

路博德曰方秋匈奴馬肥未可與戰廣雅曰方始也

惜哉時不與日暮無輕舟

其五

言無輕舟以相從也賈逵國語注曰惜痛也劉越石贈盧諒詩曰時哉不我與曹子建贈王仲宣詩曰有彼孤

鴛鴦哀鳴無匹侍我願
執此鳥惜哉無輕舟

贈張徐州謾一首

五言

范彥龍

田家樵採去薄暮方來歸

漢書楊惲曰田家作苦張景陽雜書曰後來修岸垂時閑

樵採音楚辭曰薄暮雷電廣雅曰薄至也毛詩曰來歸自鎬杜預左氏傳注曰來者自外之文也

還聞

稚子說有客款柴扉

史記曰楚懷王稚子子蘭呂氏春秋曰款門而謁高誘曰款叩也柴

扉即荆扉也鄭玄禮記注曰華門荆竹織門也

儂從皆珠玳裘馬悉輕肥

吳都賦曰

儂從奕奕廣雅曰儂導也史記曰趙平原君使人於春中召舍之於上舍趙使欲夸楚為玳瑁簪刀劍並以珠

飾之請春申君客論語子曰軒蓋照墟落傳瑞生光輝

赤之適齊也來肥馬衣輕裘說苑翟璜謂田子方曰吾祿厚得此軒蓋又師曠謂晉平公曰吾鼎不當生墟落應劭風俗通曰諸侯及使者有傳信乃得舍於傳耳今刺史行部車號傳疑是徐方

牧既是復疑非阮瑀止欲賦曰思舊昔言有此道今已

微穀梁傳曰叔姬歸于紀其不言逆何物情棄疵賤何

獨顧衡闥莊子曰人之有所不得與皆物之情也郭象

也衡闥衡門也或以恨不具雞黍得與故人揮謝承後

衡闥為絃韋非也山陽范武字巨卿與汝南張元伯為友春別京師以秋為期至九月十五日殺雞作黍二親笑曰山陽去此幾

千里何必至元伯曰巨卿信士不失期者言
未絕而巨卿至韓康伯周易注曰揮散也
懷情徒草

草淚下空霏霏

毛長詩傳曰懷思也毛詩曰騷人
好勞人草草又曰雨雪霏霏

寄書

雲間雁為我西北飛

漢書曰帝思蘇武使謂單于天子
射上林中得雁足有係帛書西北

謂徐州也在揚州之西北輿地志曰宋
以鍾離置徐州齊以荊州為北徐州也

古意贈王中書一首

五言 集曰覽
古贈王中書融

范彥龍

攝官青瑣闥遙望鳳皇池

王融答詩題云雜體報范通
直雲梁書曰雲為通直散騎

侍郎左氏傳韓厥曰敢告不敏攝官承乏漢舊儀曰黃
門郎暮入對青瑣門拜晉中興書曰荀勗徙中書監為

尚書令人賀之乃發志云奪
我鳳皇池卿諸人何賀我耶
誰云相去遠脈脈阻光儀

劉楨贈徐幹詩曰誰謂相去遠古詩曰盈盈一
水間脈脈不得語鸚鵡賦曰侍君子之光儀
岱山饒

靈異沂水富英奇

尚書曰海岱及淮惟徐州又曰淮沂
其又漢舊有琅邪郡音義曰屬徐州

晉書琅邪王氏之先漢紀曰秦
遷于琅邪之皋虞後徙于臨沂
逸翮凌北海搏飛出南

皮徐幹居北海吳質遊南皮二人皆蒙魏文恩幸故言
地以明之也郭璞遊仙詩曰逸翮思拂霄杜預左氏

傳注曰陵侮也謂輕易之莊子曰鵬搏扶搖
而上司馬彪曰搏園也園飛而上若扶搖也
遭逢聖明

後來棲桐樹枝

孔安國尚書傳曰聖人受命則鳳皇至
鄭玄毛詩箋曰鳳皇之性非梧桐不棲

竹花何莫莫桐葉何離離

鄭玄毛詩箋曰鳳皇非竹實
不食毛詩曰葛之覃兮維葉

莫莫又曰其桐
其椅其實離離

可棲復可食此外亦何為

古詩曰賤豈
妄擬何為

知鷓鴣者一粒有餘貲

鷓鴣賦曰巢林不過一枝每食
不過數粒蒼頡篇曰貲財也

贈郭桐廬出溪口見候余既未至郭仍進村維舟

久之郭生方至一首

五言 顧野王輿地志曰
桐廬縣吳分富陽之桐廬

溪也劉孝標集
曰郭桐廬峙

任彥昇

朝發富春渚蓄意忍相思

漢書曰會稽郡富春縣孔
安國尚書傳曰蓄積也 涿

令行春反冠蓋溢川坻

范曄後漢書曰滕撫字叔輔北
海人也初士州郡稍遷為涿令

有文武理用太守以其能委仕郡職兼領六縣流愛千
民行春兩白鹿隨車挾轂而行郭璞上林賦注曰抵岸
也抵或
為渭
望久方來萃悲歡不自持

毛萇詩傳曰萃集也

滄江路窮

此湍險方自茲疊嶂易成響重以夜猿悲客心幸自弭

中道遇心期

楚辭曰聊抑志而自弭

親好自斯絕孤遊從此辭

謝靈運詩曰孤遊非情款蘇

武詩曰去去從此辭

行旅上

河陽縣作二首

五言

潘安仁

哀傷贈荅皆潘居陸後而此在前疑誤也

微身輕蟬翼弱冠忝嘉招

岳弱冠舉秀才曹植表曰身輕蟬翼恩重丘山楚辭曰蟬

翼為輕也在疚妨賢路再升上宰朝

言已在病以妨賢路也毛詩曰災災在疚說苑

楚令尹虞丘子謂莊王曰臣為令尹處士不升妨羣賢路上宰朝謂司空太尉府

猥荷公叔舉

連陪廁王寮

言以凡猥之才而荷薦舉也太尉舉為郎已見閑居賦許慎淮南子注曰猥凡也論

語曰公叔文子之臣大夫俱與文子同升諸公子曰可以為文矣又曰陪臣執國命馬融曰陪重也謂家臣也

長嘯歸東山擁耒耨時苗

岳天陵詩序曰岳屏居天陵東山下楚辭曰臨深水而長

嘯說文曰耒手耕曲水鄭玄周禮注曰耨耘耨也

幽谷茂纖葛峻巖敷榮條落

英隕林趾飛莖秀陵喬

杜預左氏傳注曰趾足也爾雅曰大阜曰陵

卑高亦

何常升降在一朝

二者升降在於倏忽以喻人之榮辱亦在須臾言不足歎也

徒恨

良時泰小人道遂消

李陵贈蘇武詩曰良時不再至禍衡書曰衡以良時散而復合周易

泰卦曰君子道長小人道消

譬如野田蓬幹流隨風飄

商君書曰今夫飛蓬遇飄

風而行千里乘風之勢也鸛冠子曰幹流遠徙如淳漢書注曰幹轉也

昔倦都邑游今掌

河朔僇

歸田賦曰游都邑以永久尚書曰王次于河朔

登城眷南顧凱風揚微

綃

鄭玄毛詩箋曰顧視也呂氏春秋曰南方凱風禮記曰綃幕也鄭玄曰綃緣也音消

洪流何浩

蕩脩芒鬱岌崑

浩蕩或為濟蕩音西郭緣生述征記曰北芒城北芒嶺也

誰謂晉京

遠室邇身實遼

毛詩曰誰謂宋遠又曰其室則邇其人甚遠

誰謂邑宰輕令

名患不劬

左氏傳子產曰令名德之興也小雅曰劬美也

人生天地間百歲孰

能要

古詩曰人生天地間又曰人生不滿百

頽如槁石火瞥若截道颺

爾雅

曰頽光也毛詩曰子有鐘鼓弗擊弗考毛萇曰考亦擊也槁與考古字通古樂府詩曰鑿石見火能幾時說文

曰瞥見也張衡舞賦曰瞥若電滅古詩曰人生寄一世奄忽若颺塵瞥乎說切

齊都無遺聲桐

鄉有餘謡

論語曰齊景公有馬千駟死之日人無得而稱焉漢書曰朱邑為桐鄉嗇夫廉平不苛及

死子葬之桐鄉邑人為之起冢立祠也

福謙在純約害盈由矜驕

周易曰鬼神害

盈而福謙左氏傳晉成鱗曰在約思純孔安國尚書傳曰自賢曰矜

雖無君人德視民庶

不忼

毛詩曰我有嘉賓德音孔昭視民不忼忼君子是則是做毛萇詩曰忼偷也

日夕陰雲起登城望洪河

潘元茂九錫文曰濟師洪河

川氣冒山嶺

驚湍激巖阿歸雁映蘭時游魚動圓波

史記曰楚以弱弓微繳加歸雁

之上韓詩曰宛在水中沚鳴蟬厲寒音時菊耀秋華

禮記

曰孟秋寒蟬鳴廣雅曰厲高也謂高而急也禮記曰季秋菊有黃華

引領望京室南路在

伐柯

左氏傳穆叔曰引領西望毛詩曰伐柯伐柯其則不遠

大夏緬無覲崇芒鬱

嵯峨

陸機洛陽記曰大夏門魏明帝所造有三層高百尺韋昭國語注曰緬猶邈也郭緣生述征記曰北

芒去大夏門不盈一里

總總都邑人擾擾俗化訛

楚辭曰紛

總總兮九州王逸曰總聚也七發曰擾擾若依水類浮

萍寄松似懸蘿

淮南子曰夫萍樹根於水水樹根於土地性也毛詩曰蒿與女蘿施于松柏

曹植雜詩曰寄松為女蘿依水如浮萍

朱博糾舒慢楚風被琅邪

漢書曰朱博字

子元杜陵人也遷琅邪太守齊部舒緩穀功曹官屬多裒衣大裾不中節度自今掾吏衣皆去地三寸視事數年大改其俗掾吏禮節皆如楚趙裾音紹裾袴也

曲蓬何以直託身依叢麻

曾子

曰蓬生麻中不扶自直漢書婁護曰呂公託身於我

黔黎竟何常政成在民和

史記

曰秦更名民曰黔首左氏傳季梁曰民和而神降之福

位同單父邑愧無子賤歌

呂氏春秋曰宓子賤治單父彈鳴琴身不下堂而單父治

豈敢陋微官但恐忝所荷

在懷縣作二首

五言

潘安仁

南陸迎脩景朱明送末垂

續漢書曰日行南陸謂之夏淮南子曰仲夏至脩毛詩曰

夏之日毛萇曰言時長也爾雅曰夏為朱明末垂初伏猶未也崔駰臨洛觀賦曰迎夏之首末春之垂

啟新節隆暑方赫羲

崔寔四民月令曰六月初伏薦麥瓜于祖禰賈誼旱雲賦曰隆暑盛

其無聊繁欽柳樹賦曰翳炎夏之白日朝想慶雲興夕

遲白日移

遲猶思也

揮汗辭中宇登城臨清池

史記蘇秦曰揮汗成雨賈

連國語注曰揮灑也楚辭曰爨土簞于中宇

涼飈自遠集輕襟隨風吹靈圃

耀華果通衢列高椅

靈圃猶靈囿也東征賦曰導通衢之大道椅梓屬瓜瓞蔓

長苞薑芋紛廣畦

韓詩曰綿綿瓜瓞薛君曰瓞小瓜也毛長詩傳曰苞本也劉熙孟子注曰

今俗以五十畝為大畦也

稻栽肅芋芋黍苗何離離

禮記曰故栽者培之凡蒔草謂

之栽也廣雅曰芋芋茂也毛詩曰彼黍離離彼稷之苗

虛薄乏時用位微名日卑

朝子曰工商游食之民少而名卑

驅役宰兩邑政績竟無施自我違京

輦四載迄于斯

胡廣漢官解故注曰輦下諭在輦轂之下京城之中也詩曰以迄于今毛詩曰

迄至也

器非廊廟姿屢出固其宜

慎子曰廊廟之材非一木之枝史記曰賢人深

謀於廊廟孫卿子曰君道行則萬物皆得其宜也

徒懷越鳥志眷戀想南枝

古詩

曰越鳥巢南枝

春秋代遷逝四運分可喜

楚辭曰春與秋其代序莊子曰黃帝曰陰

陽四時運行各得其序楚寵辱易不驚戀本難為思

老子

辭曰綠葉素榮紛其可喜曰寵辱若驚何謂寵辱辱為下得之若驚失之若驚是謂寵辱若驚禮記曰太公封於營丘比及五世皆反葬

於周君子樂其所
自生禮不忘其本

我來冰未泮時暑忽隆熾

毛詩曰我來自東
又曰迨冰未泮

感此還期

淹歎彼年往駛

楚辭曰年
洋而日往

登城望郊甸遊目歷朝寺

楚辭曰忽返顧以遊目風俗通
曰今尚書御史所止皆曰寺也

小國寡民務終日寂無

事

老子曰小國寡民陸賈新語曰君
子之治也混然無事寂然無聲

白水過庭激綠槐

夾門植

鄭玄周禮注曰
植根生之屬也

信美非吾土祗攪懷歸志

登樓賦曰

雖信美而非吾土毛詩曰祗
攪我心孟子曰浩然有歸志
卷然顧鞏洛山川邈離異

孔叢子歌曰眷然顧之慘焉心悲鄭玄毛詩箋曰回首
曰顧鞏洛岳父墳塋所在也漢書曰潁川北近鞏洛墳

塋已見西征賦楚願言旋舊鄉畏此簡書忌
辭曰終免獨離異
毛詩曰顧

曰豈不懷歸畏此簡書
毛萇曰簡書戒命也
祇奉社稷守恪居處職司
子論語

使子羔為費宰子路曰有民人焉有社稷
焉左氏傳公鉏曰敬恭朝夕恪居官次

迎大駕一首

五言
王隱晉書曰東海王越從大
駕討鄴軍敗永康二年越率天下甲

士三萬人奉
迎大駕還洛

潘正叔

南山鬱岑崒洛川迅且急青松蔭脩嶺綠縈被廣隰

爾雅

曰縈縈
蒿也

朝日順長塗夕暮無所集

毛詩曰順被長道魏武帝短歌行曰暮無

所宿

歸雲乘攄浮淒風尋帷入

傳毅七激曰仰歸雲想遊風說文曰乘覆也帷

車飾也子虛賦曰張翠帷建羽蓋然此雖無翠羽而帷蓋即同也

道逢深識士舉手對

吾揖

王命論曰超然遠覽淵然深識假為深識之言也

世故尚未夷嶠函方嶮

澁

國語桓公問於史伯曰王室多故鄭玄周禮注曰故災禍也孔安國尚書傳曰夷平也戰國策蘇武曰秦

東有嶠函之固

狐狸夾兩轅豺狼當路立

漢書杜文謂孫寶曰豺狼當路不宜復問

狐狸翔鳳嬰籠檻騏驥見維縈

翔鳳騏驥皆喻賢也楚辭曰騏驥伏匿而不見鳳皇

高飛而不下鸚鵡賦曰順籠
檻以俯仰毛詩曰繫之維之
俎豆昔常聞軍旅素未習

論語曰衛靈公問陳於孔子
孔子對曰俎豆之事則嘗
聞之矣軍旅之事未之學也
鄭玄喪服注曰素猶故也

且少停君駕徐待干戈戢
既假為彼人之辭故自謂
為君也毛詩曰戴戢干戈

赴洛詩二首

五言
集云此篇赴太子洗馬時作
下篇云東宮作而此同云赴洛誤也

陸士衡

希世無高符營道無烈心

莊子原憲謂子貢曰夫希世
而行比周而友憲不忍為也

漢書音義希世隨世也禮記
曰儒有合志同方營道同術

靖端肅有命假轍越江潭

國語初午見范宣子曰若能靖
端諸侯使服聽命於晉
國周易曰大君有命說文曰越
度也楚辭曰游於江潭

親友贈予邁揮淚廣川陰

家語公父文伯卒敬姜曰二三婦無揮涕王肅曰揮涕者

淚以手

撫膺解攜手永歎結遺音

列子曰撫膺而恨毛詩曰攜手同行又曰

假寐永歎曹子建雜詩曰翹思慕遠人願欲託遺音

無迹有所匿寂寞聲必沈

言分

訣之後形聲俱沒視之無迹而形有所匿聽之寂寞而其聲必沈也呂氏春秋曰作則有所匿其塗也淮南子

曰寂寞音之主也迹或為積非也

肆目眇不及緬然若雙潛

高誘淮南子注曰肆

盡也毛詩曰瞻望不及緬己見上文

南望泣玄渚北邁涉長林

西京賦曰海若遊於

玄谷風拂脩薄油雲翳高岑

王逸楚辭注曰草木交薄曰薄孟子曰油然作雲

疊孤獸騁嚶嚶思鳥吟

疊疊走貌也曹子建詩曰孤獸走索羣毛詩曰鳥鳴嚶嚶

感

物戀堂室離思一何深

感物已見上文曹子建離詩曰離思一何深

佇立懷

我歎寤寐涕盈衿

毛詩曰佇立以泣又曰慨我寤歎

惜無懷歸志辛苦

誰為心

歸志已見上文

羈旅遠遊宦託身承華側

謂為太子洗馬也左氏傳陳敬仲曰羈旅之臣漢書薄昭

書曰遊宦事人范曄後漢書王常曰臣託身階下陸機洛陽記曰太子宮有承華門

撫劍遵銅輦

振纓盡祇肅

左氏傳曰子朱怒撫劍從之銅輦太子車飾未詳所見漢書匡衡曰祇肅舊禮銅或

為彫歲月一何易寒暑忽已草載離多悲心感物情悽惻

毛詩曰二月初吉載離寒暑

慷慨遺安愈永歎廢餐食

東京賦曰膺多福以安愈

永歎已見上文列子曰杞國有人憂天
崩廢寢食蔡琰詩曰飢當食兮不能餐
思樂樂難誘曰

歸歸未克

國語楚藍尹盪曰飲食思禮同晏
思樂毛詩云曰歸曰歸歲亦暮止

憂苦欲何

為纏綿胸與臆

列子曰卑辱則憂苦張叔與任彥堅書
曰纏綿思好庶蹈高蹤登樓賦曰氣交

憤於胸臆仰瞻陵霄鳥羨爾歸飛翼

高謗淮南子注曰羨願
也毛詩曰弁彼鸛斯歸

飛提

赴洛道中作一首 五言

陸士衡

總轡登長路嗚咽辭密親

家語孔子曰善御者正身以
總轡蔡琰詩曰行路亦嗚咽

薛君韓詩章句曰鳴歎辭也借問子何之世網嬰我身

毛萇詩傳曰咽憂不能息也江偉荅軍司馬詩曰羈繫繫世網進退維準繩說文曰嬰繞也永歎遵北渚遺思結南

津永歎已見上文泰嘉贈婦詩曰遺思致款誠行行遂已遠野途曠無人禮

曰野塗五軌楚辭山澤紛紆餘林薄杳阡眠上林賦曰曰野寂寞其無人紆餘逶迤

楚辭曰遠望兮阡眠虎嘯深谷底鷄鳴高樹巔淮南子曰虎嘯而望兮阡眠谷風至樂錄曰鷄

鳴高樹巔哀風中夜流孤獸更我前悲情觸物感沈思鬱纏

綿纏綿已佇立望故鄉顧影悽自憐儀寡婦賦曰賤妾見上文

楚辭曰楚辭顧影為儔楚辭遠遊越山川山川脩且廣楚辭曰願輕舉

曰私自憐兮何極

而遠遊秦嘉妻徐氏答嘉
書曰高山巖巖而君是越
振策陟崇丘安轡遵平莽秦嘉

詩曰過辭二親墓振策陟長衢漢書曰
天子案轡徐行方言曰草南楚謂之莽
夕息抱影寐朝

徂銜思往楚辭曰廊抱影而獨倚
頓轡倚嵩巖側聽悲風響頓猶舍也

爾雅曰嵩高也
清露墜素輝明月一何朗撫几不能寐振衣獨

長想新賦曰老古振衣而起舞賦曰遊心無垠遠思長想

吳王郎中時從梁陳作一首五言

陸士衡

在昔蒙嘉運矯迹入崇賢

孫放詩曰矯迹步玄關東京賦曰昭仁惠於崇賢薛綜曰

立崇賢門

假翼鳴鳳條濯足升龍淵

應璩與劉公幹書曰鷄鵲棲翔鳳之

於東也條龜鼉遊升龍之川

玄冕無醜士治服使我妍

周禮曰大夫玄

冕輕劍拂鞶厲長纓麗且鮮

禮記曰男鞶革也毛詩曰垂帶而厲毛萇曰厲帶之

垂者鄭玄曰鞶必垂厲以為飾韓子曰鄒君好長纓左右皆服長纓也

誰謂伏事淺契闊

踰三年

周禮曰大司徒頒職事十有二曰服事鄭司農曰服事謂為公家服事也服與伏同古字通毛

詩曰死生契闊薄言肅後命改服就藩臣

毛詩曰薄言旋歸左氏傳曰宰孔謂齊侯

曰且有後命無下拜漢書曰吳王濞稍失藩臣禮

夙駕尋清軌遠遊越梁陳

毛詩

曰星言夙駕廣雅曰軌道也遠遊已見上文

感物多遠念慷慨懷古人

毛詩曰我

思古人實
獲我心

始作鎮軍參軍經曲阿作一首

五言 臧榮緒晉書曰宋武帝行鎮

軍將

陶淵明

沈約宋書曰陶潛字淵明或云字元亮潯陽人少有高趣為鎮軍建威參軍後

為彭澤令解印綬去職卒於家

弱齡寄事外委懷在琴書

晉中興書簡文詔曰會稽王英秀玄虛神棲事外鄭玄儀

禮注曰委安也劉歆遂初賦曰玩琴書以條暢被褐欣自得屢空常晏如

家語曰原

憲衣冠弊并日而食蔬衍然有自得之志論語子曰回也其庶乎屢空漢書曰楊雄家產不過十金室無擔石

之儲晏如也

時來苟宜會宛轡憩通衢

盧子諒谷魏子悌詩曰遇蒙時來會宛屈

也言屈長往之駕息於通衢之中通衢喻仕路也毛萇詩傳曰憩息也通衢已見上文

投策命晨

旅暫與園田疎

七命曰夸父為之投策

眇眇孤舟逝綿綿歸思紆

楚辭曰安眇眇兮無所歸薄又曰縹綿綿之不可紆王逸曰綿綿細微之思難斷絕也

我行豈不

遙登降千里餘目倦脩塗異心念山澤居

仲長子昌言曰古之隱士

或夫負妻戴以入山澤

望雲慙高鳥臨水愧遊魚

言魚鳥咸得其所而已獨違其

性也文子曰高鳥盡而良弓藏大戴禮曰魚遊于水鳥飛于雲

真想初在衿誰謂形迹

拘淮南子曰全性保真不虧其身老子曰脩之於身其德乃真王逸楚辭注曰保真守玄默也

聊且

憑化遷終反班生廬

莊子謂惠子曰孔子行年六十而六十化郭象曰與時俱化也班固

幽通賦曰終保已而貽則里止仁之所廬漢書曰班彪與從兄嗣共遊學家有賜書楊子雲已下莫不造門

辛丑歲七月赴假還江陵夜行塗口一首

五言 沈約宋

書曰潛自以曾祖晉世宰輔不復屈身後代自高祖王業漸隆不復肯仕所著文章皆題年月義熙已前則書晉氏年號自永初以來唯云甲子而已江圖曰自沙陽縣下流一百一十里至赤圻赤圻二十里至塗口也

陶淵明

閑居三十載遂與塵事冥

漢書曰司馬相如稱疾閑居塵事塵俗之事也郭象莊子

注曰凡非真皆塵垢矣說文曰冥窈也又曰窈深遠也

詩書敦宿好林園無世情

左氏傳趙衰曰卻般悅禮樂而敦詩書纏子董無心曰無心鄙人也不識世情如何舍此去遥

遥至西荆

西荆州也時京都在東故謂荊州爲西也

叩棧親月舩臨流別友

生

楚辭曰漁父鼓枻而去王逸曰叩舩舷也楚辭曰臨流水而太息毛詩曰雖有兄弟不如友生

涼風

起將夕夜景湛虛明昭昭天宇闊晶晶川上平

淮南子曰甘暝

于大霄之宅覺視于昭昭之宇李顯離思篇曰烈懷役烈寒氣嚴寥寥天宇清說文曰通白曰晶晶明也

不遑寐中宵尚孤征

毛詩曰不遑假寐

商歌非吾事依依在耦

耕

淮南子曰寧戚商歌車下而桓公慨然而悟許慎曰寧戚衛人聞齊桓公興霸無因自達將車自往商秋

聲也莊子卞隨曰非吾事也
論語曰長沮桀溺耦而耕

投冠旋舊墟不為好爵榮

周易曰我有好爵吾與爾靡之

養真衡茅下庶以善自名

曹子建辨問曰君子隱居

以養真也衡門茅茨范曄後漢書馬援曰吾從弟少遊曰士生一時鄉里稱善人斯可矣鄭玄禮記注曰名令

也聞

永初三年七月十六日之郡初發都一首

五言沈約宋

書曰高祖永初三年五月崩少帝即位出靈運為永嘉郡守少帝猶未改元故云永初

謝靈運

述職期闌暑理棹變金素

尚書大傳曰古者諸侯之於天子五年一朝朝見其身述

其職述其職者述其所職也漢書王吉傳邵公述職舍於棠下而聽斷焉潘岳悼亡詩曰溽暑隨節闌闌猶盡

也金素秋也秋為金而色白故曰金素也漢書曰西方金也劉楨書曰肅以素秋則落也秋岸澄夕

陰火晏團朝露

火大火也毛詩曰七月流火爾雅曰秋為晏天毛詩曰野有蔓草零露團兮

辛苦誰為情遊子值頽暮

陸機赴洛詩曰辛苦誰為心楚辭曰歲習習其若頽愛

似莊念昔久敬曾存故

言遊子多悲觸物增戀愛其似者若莊生之念疇昔久而愈敬

類曾子之存故交莊子曰夫越之流人去國旬月見所嘗見於國中喜及期年也見似人者而喜矣論語曰晏平仲善與人交久而敬之韓詩外傳曰子夏過曾子曰入食子夏曰不為公費乎曾子曰有三費飲食不在其中子夏曰敢問三費曾子曰少而學長而忘之一費也事君有功輕而負之二費也久友交而中絕此三費也

如何懷土心持此謝遠度

此謂懷土也言如何同彼懷土之心持此彌慙遠度也楚

辭曰遠度世以忘歸思玄賦曰願得遠度以自娛

李牧愧長袖卻克慙躡步手

足有疾故或愧或慙也戰國策曰武安君李牧至趙王使韓蒼數之曰將軍戰勝王鵬將軍將軍為壽於前裨上荀當死武安君曰身大臂短不能及地起居不敬恐獲死罪於前故使工人為木杖以接手上若弗信請視之說文曰裨兩手擊也希買切左氏傳曰使卻克徵會于齊頃公惟婦人使觀之卻子登婦人笑於房杜預曰跛而登階故笑也魏良時不見遺醜狀不成惡

言雖有疾皆不

見棄遠也良時已見上文左氏傳曰駸義惡杜預曰惡貌醜也曰余亦支離依方早有

慕

莊子曰支離疏者頤隱於齊眉高於頂會撮指天五管在上兩髀為脅七賢音義曰形體離不全正也名

疏莊子曰子桑戶孟子反子琴張三人相與友子桑戶死孔子使子貢往待事或鼓琴相和而歌子貢反以告孔子孔子曰彼遊方之外者也而丘遊方之內者也子貢曰夫子何方之依曰丘天之戮民也郭象曰以方內為桎梏明所貴在方外夫遊外者依內司馬彪曰方常也言彼遊心於常教之外也漢書郊祀歌曰天地並況惟予有慕會音括撮

生幸休明世親蒙英達顧

左氏傳曰王孫

祖括切解步米切

滿曰德之休明英達謂廬陵王也

空班趙氏璧徒垂魏王瓠

言見珍同乎趙璧為

用而垂魏瓠言無所施也杜預左氏傳注曰班次也趙氏璧已見盧湛覽古詩莊子曰惠子謂莊子曰魏王貽我大瓠之種我樹之成而實五石以盛水漿其堅不能自舉剖之以為瓠則瓠落無所容非不枵然大也吾為其無用培之莊子曰夫子固拙於用大矣何不能據以為大罇常浮乎江湖司馬彪曰瓠布濩落零落也枵然

大貌指謂擊破之也喻莊子之言大也若巨瓠之無施也一瓠落大貌徐仙民戶郭切枵許喬功指方部切

從來漸二紀始得傍歸路

孔安國尚書傳曰十二年曰紀言欲之郡必塗經始寧故

曰歸

將窮山海迹未絕賞心悟

言今遠遊將窮山海之迹賞心之對於此長乖

鄭玄毛詩箋曰晤對也

過始寧墅一首

五言 沈約宋書曰靈運父祖並葬始寧縣并有故宅及墅遂脩營

舊業極幽居之美水經注曰始寧縣西本上虞之南鄉也

謝靈運

束髮懷耿介逐物遂推遷

韓詩外傳曰夫人為父者必全其身體及其束髮屬授明

師以成其材楚辭曰獨耿介而不隨兮願慕先聖之道
教莊子曰惠施之才逐萬物而不反尚書王曰惟民生

厚因物有違

違志似如昨二紀及茲年

廣雅曰違背也楊雄
鮮朝曰歷覽者茲年

矣緇磷謝清曠疲薊慙貞堅

論語子曰不曰堅乎磨而
不磷不曰白乎涅而不緇

蒼頡篇曰曠疎曠也莊子曰薊然疲而不
知所歸司馬彪曰薊極貌也薊奴結切

拙疾相倚薄

還得靜者便

拙謂拙官也閑居賦曰巧誠有之拙亦宜
然韓康伯周易注曰薄謂相附也論語曰

智者動仁者靜剖竹守滄海枉帆過舊山

漢書曰初與郡守為
竹使符說文曰符信

漢制以竹分而相合山行窮登頓水涉盡洄沔

爾雅曰逆流而上
曰洄沔孔安國尚

書傳曰順流而下曰沔

岩峭嶺稠疊洲縈渚連綿

廣雅曰峭高也
又曰稠概也三

輔故事曰連綿四百餘里

白雲抱幽石綠篠媚清連

清連已見上文

葺宇臨

迴江築觀基曾巔

洞簫賦曰迴江流川而溉其山春秋運斗樞曰山者地基也

揮手

告鄉曲三載期歸旋

劉越石扶風歌曰揮手長相謝說文曰揮奮也燕丹子夏扶曰士無

鄉曲之譽則未與論行三載黜陟幽明故以為限

且為樹枌櫓無令孤願言

左氏

傳曰初季孫為己樹六櫓於蒲圃東門之外杜預曰櫓欲自為觀也

富春渚一首

五言

謝靈運

宵濟漁浦潭旦及富春郭

吳郡記曰富春東三十里有漁浦

定山緬雲

霧赤亭無淹薄

吳郡綠海四縣記曰錢塘西南五十里有定山去富春又七十里橫出江中濤

迅邁以避山難辰發錢塘已達富春赤亭定山東十餘里王逸楚辭注曰泊止也薄與泊同

溯流觸

驚急臨圻阻參錯

遡流已見上文埤蒼曰研曲岸頭也研與圻同參錯謂研岸之險參差交

錯亮之伯昏分險過呂梁壑

列子曰列御寇為伯昏死射引之盈貫措杯水其

肘上伯昏無人曰是射之射非不射之射也當與汝登高山履危石臨百仞之泉若能射乎於是無人遂登高而進御寇伏地汗流至踵伯昏無人曰夫至人者上闔青天下降黃泉揮斤八極神氣不變今汝沐然有恂目之志爾於中殆矣夫分猶節也列子曰孔子觀於呂梁懸水三十仞流沫三十里鼃鼃魚鱉之不能游也

洊至宜便習兼山貴止託

周易

曰水洊至習坎王弼曰重險懸絕故水洊至也不以坎為隔絕相仍而至習乎坎者也習謂便習之也周易曰魚山艮又曰艮其止止其所也平生協幽期淪蹟困微弱久露干祿請

始果遠遊諾

論語曰子張學干祿果猶遂也鄭玄毛詩箋曰諾應辭也然古者請於君君許則盡

諾以宿心漸申寫萬事俱零落

趙壹報羊陟書曰惟君明叡平斯宿心莊子曰

致命盡情天地樂而萬事銷也楚辭曰惟草木之零落

懷抱既昭曠外物徒龍蠖

莊子宛風謂諄芒曰願聞神人諄芒曰上神秉光與形滅亡此謂昭曠說文曰曠明也周易曰尺蠖之屈以求伸也龍蛇之蟄以存身也

七里瀨一首

五言 甘州記曰桐廬縣有七里瀨瀨下數里至嚴陵瀨

謝靈運

羈心積秋晨晨積展遊眺

爾雅曰展適也郭璞曰得自申展皆適意

孤客傷

逝湍徒旅苦奔峭

曹植九詠曰何孤客之可悲淮南子曰岸峭者必阨許慎曰阨落也然奔

亦落也入彭蠡湖口詩曰圻岸屢崩奔與此同也

石淺水潺湲日落山照曜

楚辭

曰觀流水兮潺湲雜字曰潺湲水流貌也毛詩曰羔流如膏日出有曜毛萇曰日出照曜然見其如膏也荒

林紛沃若哀禽相叫嘯

毛詩曰桑之未落其葉沃若海賦曰更相叫嘯說色殊音遭

物悼遷斥存期得要妙

廣雅曰斥推也老子曰湛兮似或存王弼曰和光而不汙其體

同塵而不渝其貞不亦湛兮似或存兮莊子曰此之謂要妙也

既秉上皇心豈屑末代

謂莊子曰監照下土天下載之此謂上皇王逸楚辭注曰屑顧也先結切劉向雅琴賦曰末世銷才兮智孔

寡目覩嚴子瀨想屬任公釣范曄後漢書曰嚴光字子陵光武除為諫大夫不屈

退耕於富春山後人名其釣處為嚴陵瀨莊子曰任公子為大釣巨綸五十犗以為餌蹲會稽投竿東海且旦而釣暮年不得魚已而大魚食之牽巨釣陷沒而不驚揚而奮鬐白波若山任公子得若魚離而腊之自瀨河以東蒼梧以北誰謂古今殊異代可同調郭象莊子注曰人性有變莫不麋若魚也

古今不同樂稽耀嘉曰聖人雖生異世其心意同如一也調猶運也謂音聲之和也

登江中孤嶼一首

五言 永嘉江也

謝靈運

江南倦歷覽江北曠周旋

長門賦曰貫歷覽其
中操周旋已見上文

懷新道

轉迴尋異景不延

爾雅曰迴遠也
又曰延長也

亂流趨正絕孤嶼媚

中川

爾雅曰水正絕流曰亂劉淵林吳
都賦注曰嶼海中洲上有山石

雲日相輝映空

水共澄鮮表靈物莫賞蘊真誰為傳

鄭玄禮記注曰表
明也謂顯明之也

馬融論語注曰蘊藏也
說文曰真仙人變形也

想像崑山姿緬邈區中緣

楚辭
曰思

舊故而想像列仙傳曰西王母神人名王母在
崑崙山司馬相如大人賦曰迫區中之隘陝

始信安

期術得盡養生年

列仙傳曰安期生琅邪阜鄉人自言
千歲文子曰靜漠恬淡所以養生也

莊子養生篇曰可以盡年郭象曰
養生非求過分益全理盡年而已

初去郡一首

五言 沈約宋書曰靈
運在郡一周稱疾去職

謝靈運

彭薛裁知恥貢公未遺榮

漢書曰彭宣字子佩淮陽人
也遷御史大夫轉為大司空

王莽秉政專權宣上書乞骸骨歸鄉里又曰薛廣德字
長卿沛郡人也為御史大夫乞骸骨班固漢書彭薛平
當述曰廣德當宣近於知恥漢書貢禹字少卿琅
邪人也為光祿大夫上書乞骸骨鍾會有遺榮賦

或可

優貪競豈足稱達生

楚辭曰皆競進以貪婪莊子曰達
生之情者傀達於知者胥司馬彪

曰傀讀曰瑰瑰大也情
在故曰大也胥多智也

伊予秉微尚拙訥謝浮名

禮記
孔子

曰恥名之
浮於行也

廬園當栖巖卑位代躬耕

嵇康絕交書曰子
房之岩栖列女傳

默妻先生妻曰先生安天下之
卑位禮記曰祿足以代其耕
顧已雖自許心迹猶未

并莊子曰夫神無庸妨周任有疾像長卿
論語子曰周任有言曰陳

力就列不能者止漢書曰司馬長卿
有消渴疾常稱疾閑居不慕官爵
畢娶類尚子薄游

似邴生
嵇康高士傳曰尚長字子平河內人隱避不仕為子嫁娶畢敕家事斷之勿復相關當如我死

矣
嵇康書亦云尚子平范曄後漢書曰尚長字子平男娶女嫁既畢乃敕斷家事尚向不同未詳孰是班固漢

書曰邴生曼容養志自脩為
官不肯過六百石輒自免去
恭承古人意促裝返柴荆

越絕書曰恭承嘉惠思玄賦曰
簡元辰而促柴柴荆已見上文
牽絲及元興解龜在景

平
牽絲初仕解龜去官也臧榮緒晉書曰安帝即位改元曰元興靈運初為琅邪王大司馬行軍參軍沈約

宋書曰少帝即位改元曰景平應璩詩曰不悞牽朱絲
三署來相尋漢書曰薛宣為左馮翊高陽令楊湛解印
綬付吏又曰黃金負心二十載於今廢將迎

嵇康幽憤詩曰內負

印龜紐文曰章
宿心文子曰聖人若鏡不將不迎爾雅曰將送也

理棹遄還期導渚驚脩垆

潘岳

在懷縣詩曰感此還期淹適速也陸機赴
洛詩曰永歎遵北渚爾雅曰垆外曰垆

遡溪終水涉

登嶺始山行野曠沙岸淨天高秋月明憩石挹飛泉攀

林蹇落英

毛萇詩傳曰挹斟也王逸楚辭注曰蹇未取也

戰勝臞者肥止監流

歸停

戰勝明貴不如義止監明語不如嘿也韓子子夏曰吾入見先王之義則榮之出見富貴又榮之二

者戰于胃臆故臞今見先王之義戰勝故肥也爾雅注曰臞肉之瘦也巨俱切文子曰莫監於流潦而監於止

水以其保心而不外蕩也蒼頡篇曰亭定也停與亭同古字通即是義唐化獲我擊壤

聲

義庖義也唐唐堯也周處風土記曰擊壤者以木作之前廣后銳長四尺三寸其形如履將戲先側一壤

於地遙於三四十步以手中壤擊之中者為上部論衡曰堯時百姓無事有五十之民擊壤於塗觀者曰大哉堯之德也擊壤者曰吾日出而作日入而息鑿井而飲耕田而食堯何力於我哉

初發石首城一首

五言 沈約宋書曰靈運陳疾東歸會稽太守孟覲乃表其異

志靈運馳往京都詣闕上表太祖知其見誣不罪也不欲使東歸以為臨川內史伏韜北征記曰石頭城建康西界臨江城也是曰京師

謝靈運

白珪尚可磨斯言易為緇

毛詩曰白珪之玷尚可磨也斯言之玷不可為也毛萇詩

傳曰緇黑色也

雖抱中孚爻猶勞貝錦詩

周易曰中孚以利貞乃應乎天毛詩曰萇

分非分成是貝錦鄭玄曰讒人集作已過以成於罪猶女功之集采色以成錦文也

寸心若不亮

微命察如絲

寸心已見上文亮猶明也楚辭曰蜂蟻微命東觀漢記梁節王暢上疏曰筋骨相連

命在絲髮鄭玄毛詩箋曰察省也

日月垂光景成貸遂蕪茲

日月喻太祖也高龔

薦黃鳳文曰君垂日月之光流萬里之恩老子曰大唯道善貸且成說文曰貸施也

出宿薄京畿

晨裝搏曾颺

毛詩曰出宿于濟又曰莊子曰搏扶搖而上征颺已見上文

重經平生

別再與朋知辭

再謂前之永嘉今適臨川

故山日已遠風波豈還時

古詩曰相去日已遠家語孔子曰不觀巨海何以知風波之患

茗茗萬里帆茫茫終何

之

毛詩曰洪水茫茫莊子曰芒乎何之忽乎何適

遊當羅浮行息必廬霍期

羅浮

山記曰山高三千丈長八百里舊說浮山從會稽來博于羅山故稱博羅今羅浮山上獨有東方草木廬霍二

山名也已見江賦

越海陵三山遊湘歷九嶷

東方朔集朔對詔曰陵山越海窮天

乃止三山在海中衆仙所居九嶷山在長沙零陵舜帝所葬也

欽聖若旦暮懷賢亦悽

其

范曄後漢書曰朱勃謂馬援曰欽慕聖義莊子曰萬代之后而一遇大聖知其解者是旦暮遇之也毛萇

詩傳曰其辭也

皎皎明發心不為歲寒欺

毛詩曰明發不寐有懷二人說苑曰孔子

曰義士不欺心

道路憶山中一首

五言

謝靈運

采菱調易急江南歌不緩

楚辭曰涉江採菱發陽阿王逸曰楚人歌曲也古樂府江

南辭曰江南可採蓮

楚人心昔絕越客腸今斷

楚人屈原也越客自謂也沈約宋書

曰靈運本在陳郡父祖並葬始寧縣并有故宅遂籍會稽故稱越客焉

斷絕雖殊念俱為

歸慮歟

廣雅曰歟扣也

存鄉爾思積憶山我憤懣

王逸楚辭注曰言已情憤

懣也追情栖息時偃卧任縱誕

崔實荅陸機詩曰棲息高丘范曄後漢書曰光武共

嚴光偃卧縱恣而傲誕

得性非外求自己為誰纂

言得性之理非在外求取足自

止為誰之所繼哉言不為人之所繼也莊子南郭子綦曰夫吹萬不同而使其自己也咸其自取怒者其誰也司馬彪曰已止也使各得其性而止也爾雅曰纂繼也

不怨秋夕長常苦夏日短

濯流激浮湍息陰倚密竿

字林曰竿竹挺也古寒切今協韻為古旦切懷故

叵新歡舍悲忘春暝

言春暝當喜為含悲而忘之字書曰叵不可也莊子曰煖然似春

悽悽明月吹惻惻廣陵散

古樂府有明月皎夜光應璩與劉孔才書曰聽廣陵之清

散殷勤訴危柱慷慨命促管

危柱謂琴也孫氏瑩篋賦曰陵危柱以頤頤促管謂

笛也阮籍樂論曰琵琶

箏笛間促而聲高也

入彭蠡湖口一首

五言

謝靈運

客遊倦水宿風潮難具論洲島驟迴合圻岸屢崩奔

孔安

國尚書傳曰海曲謂之島

乘月聽哀狔浥露馥芳蓀

乘月猶乘日也廣雅曰言乘月

而遊以聽哀狔之響濕露而行爲翫芳叢之馥狔雌也說文曰浥濕也

春晚綠野秀巖高

白雲屯千念集日夜萬感盈朝昏攀崖照石鏡牽葉入

松門

張僧鑒潯陽記曰石鏡山東有一圓石懸崖明淨照人見形顧野王輿地志曰自入潮三百三十里

窮於松門東西四十里青松徧於兩岸

三江事多往九派理空存

尚書曰三江既

入又曰九江孔殷江賦曰流九派乎潯陽

靈物宏珍怪異人祕精魂

孔安國尚

書傳曰蒼惜也高唐賦曰珍怪奇偉毛萇詩傳曰
秘閑也江賦曰納隱淪之列真挺異人乎精魂
金膏

滅明光水碧綴流溫

穆天子傳曰河伯示汝黃金之膏
山海經曰耿山多水碧郭璞曰碧

亦玉也流溫言
水玉溫潤也

徒作千里曲絃絕念彌敦

言奏曲冀以
消憂絃絕而

念逾甚故曰徒作也琴賦曰千里別
鶴演連珠曰繁會之音生乎絕絃

入華子崗是麻源第三谷一首

五言
謝靈運山
居圖曰華子崗麻

山第三谷故老相傳華子期者祿
里弟子翔集此頂故華子為稱也

謝靈運

南州實炎德桂樹陵寒山

楚辭曰嘉南州之炎
德麗桂樹之冬榮

銅陵映

碧潤石磴瀉紅泉

銅陵銅山也楊雄蜀都賦曰橘林銅陵靈運山居賦曰訊丹沙於紅泉靈

運自注云即近山所出然銅陵亦近山

既枉隱淪客亦棲肥遁賢

桓子新論曰周

易曰肥遁無不利

險逕無測度天路非術阡

爾雅曰山絕險家語孔子曰人藏其

心不可測度仲長子昌言曰蕩蕩乎若昇天路而不知夫所登也

遂登羣峯首邈若升

雲煙

論衡曰天審氣氣如雲曹子建述仙詩曰遊將升雲煙

羽人絕髣髴丹丘徒

空筌

楚辭曰仰羽人於丹丘留不死之舊卿筌捕魚之器莊子以喻言也

圖牒復磨滅碑

版誰聞傳

蘇林漢書注曰牒譜也孔安國論語注曰版邦國之圖籍也

莫辯百世後

安知千載前且申獨往意乘月弄潺湲

淮南王莊子畧要曰江海之士

山谷之人輕天下細萬物而獨往者也
司馬彪曰獨往任自然不復顧世也

恒充俄頃用豈

為古今然

言古之獨往必輕天下不顧於世而已之獨
往常充俄頃之間豈為尊古卑今而然哉小

雅曰充猶備也江賦曰千里俄頃何休公羊注曰俄者
頃臾之間也司馬彪莊子注曰常久也莊子曰尊古卑
今學者之流也郭象曰古無所尊今
無所卑而學者尊古卑今失其原矣

文選卷二十六